

蘇盦集



蘇龔駢文錄卷二

賦

掩鼻敦洛生詠賦

歧羨名流揣摹時輩鹿鹿因人魚魚逐隊漫爲洛下之吟誰作隆中之對舉目數桓公之甲早有餘音爭名奪安石之墩同茲遺愛昔謝建昌運當盤錯遇值險巖有林泉之高致具台鼎之神姿風月供其嘯傲江山助其酣嬉問功名已付諸郎無心涉世只伴侶難忘逸少惟我與而方其作洛生詠也意甚蒼茫韻傳髣髴肆志煙

蘇龔駢文錄卷二

一

霞忘情簪紱以少患夫鼻音乃微同於口吃公眞達者皆傾耳而欣然後有人焉問效顰兮何不敦之者辨其疾徐揣其緩急豈心坎之相孚惟牙慧之是拾因共慕其從容遂不辭夫沿襲求替人於當代我勞如何聆空谷之傳聲每懷靡及於是掩鼻而吟放心是斂詠莫忽忽詠宜冉冉欲神似之相需覺情移之由漸是何名士聞聲而徒切矜傾此輩清流矢口而偏工袖掩我想夫典午中衰新亭多事方誇兵衛之陳大逞奸雄之智而乃趨席自如望階遽至發浩浩洪流之響莫不厭心措巖巖磐石之安非徒擁鼻是風節之高騫豈庸才所則



傲但莫罄其形容空曲摹其笑貌祇覺相懸胡堪互校
若論優劣幾同入幕之邨超混迹士夫恐遇移牀之江
敷迄今睠懷餘韻想像英姿清標卓卓學步孜孜聞捉
談元之塵非關賭墅之碁笑迫隨儘有才可尋聲而
得也計靜鎮無如太傅豈飾貌而爲之

飛白扇賦

宮製鸞翔宸書鳳翥令節相貽官家自署卽一扇以分
攜信萬幾之善馭創業湖雄飛之志樂此良時在廷表
貞白之心慰彼黎庶昔唐太宗早歲策勛暮年自董謂
神州已定陸沈軍事方抒控惚當五日之孔嘉猶百司

蘇奩駢文錄卷二

二

之兼總無多服翫世間而雀燕評量試展縹緗腕下而
龍蛇飛動則有飛白扇者當胸雪映入手風生削筠環
而鬪巧鏤瓊柄而彌精況加翰墨備極恩榮振衣而影
隔簾珠翦裁恰當攔筆而涼分簟玉意緒尤清想夫長
孫无忌之在唐也夙承眷倚早立豐功懼貴且辭夫僕
射分圻仍進以趙公應對未有其比避嫌亦諒其衷無
志奮飛在兩器流言之日此懷坦白有萬石謙退之風
而楊師道者清警非常才思獨駛詠歌自適其情草隸
世所共歧忘其怯懦之非歎其周謹之是攝令而飛騰
偏嬾似不能言掌銓而白望俱登視其所以一握寒凝

君恩並膺誼隆交泰意在同升破格何殊李勣懷仇豈
等魏徵擊來宛轉輕紉棄捐莫慮看到淋漓妙墨聲價
方增是蓋君切奉揚臣資礪砥佩比韋弦錫同弓矢迄
今遠慕昌期詳稽軼史詎似扇披六角揮毫恣故里之
遊固將扇仿五明極目繼中天之美方今

聖天子端午宣猷

撫辰率職香羅邀疊雪之

頌細葛暢含風之飾卻異物於蠹翎展新涼於鶴翼輔
弼而拚飛相警茲惟三公臣工而粹白是將咸有一德

壙中賦詩對酌賦

蘇龔駢文錄卷二

三

司空表聖胸襟遼闊天地室廬香花瓶鉢詩以寓狂酒
以解渴恣情翫世無心求活退哉斯人莫遂莫達乃披
蘭芷乃撥棘榛寄懷遠致泯迹歸真青山白雲縞衣綦
巾卜云其吉南澗之濱千秋萬世慕壙中人有故人來
爲雞黍會偶然牽率作此狡獪養空而遊我獨何害拍
浮其中聲聞於外屈穀匏堅許由瓢大新詩載賦秩秩
斯干於我歸息汔可小安君子所履碩人之寬聲如洪
鐘顏如渥丹自唱自舞自舞先生達觀酌酒而外亦有何求
相對忘言一壑一邱中心如醉噬肯來遊歌莫莫莫咄
休休休劉伶酒頌以銘其幽壙中可賦得詩盈卷壙中

可酌醜酒有衍如臨深淵陟則在巘維松與柏勿伐勿
翦傲世不恭無曰不顯跡其生平簡澹坦率濯纓易名
王官抱膝耐辱自安醉吟相匹于時言言舉醜逸晝
寢二僧是二是一由今思之洵美且異預爲壽藏雜以
嘲戲宜言飲酒載寢之地泊然無爲脫然無累彭殤可
齊古今一致

吳越王錦擔賦

訪野錄之遺聞稽湘山於藝囿其人則坐鎮江河其器
則流傳宇宙詎歎長貧何嫌侈富直使冊尊尙父厯盡
繁華豈惟木號將軍不遺故舊昔在梁開平二年太祖

蘇奩駢文錄卷二

四

改元濟陰分界惟吳越之獨尊進王位而遽拜軍名衣
錦兮增榮鄉訪臨安而入畫王心可鑒非不聽羅隱之
言擔荷匪輕何至爲董昌所賣王於是周巡塋壟徧散
紈縑振耀深谷撫慰窮檐但屬釣遊之所至總令恩澤
之同霑欣看此日榮歸盡蒙越綺忽億微時舊業曾販
吳鹽有擔焉尺較短長索資結纜賴英武之仔肩解閭
閻之食淡方期藉手之殷豈料隨身之暫長鏡可比居
然貴並當王故劍難忘敢曰弛於負擔爾乃衛以錦襜
飾以錦綺藉表寒微何辭浮靡繫神龍兮一條蟠長蛇
兮千里王運而勞卿負荷如取如攜婆留而喜汝長成

侯疆侯以夫王之省費青緡橫陳警枕身親版築之勞
詩慕河清之品葑草腴田魚租蠲廩方且虛心眞主不
填西子之湖豈其措意鹽官輕擲天孫之錦良以脫離
闌闔雄建旌旄重看石鏡能鎮江濤劍倚天而吐氣簡
禱水而親操羨錦衣玉帶之華大王風麗豈擔糞著基
之比處士光韜迄今遙懷霸業追想榮施十國之沙蟲
如夢五朝之泡影空移獨念英雄蓋世慷慨當時轉輸
而擔石是謀傷時不已休息而錦城永保何日忘之

胡安定設教蘇湖間立經義治事齋以敦實學

賦

昔在宋仁宗之世治理隆平民風和輯學校日興人材
雲集將振一代之宏規埽五季之餘習然猶詞章之好
未忘詩賦之科特立求學術於通經致用退讓未遑問
實功於詢事考言每懷靡及獨行之士有胡翼之道隆
絳帳業裕緇帷自任天下之重堪爲儒者之師安定院
未宣化雨海陵人早佩匡時謂教術之多疎何以淑身
淑世願學人之務實相期有守有爲及其爲蘇湖教授
也先立之基以古爲鏡設施有待於發蒙教益必窺於
作聖勵諸生以成材設兩齋而主敬非徒侈夫游觀冀
各正乎性命鄉賢可法范肴文且喜同時地主多情滕

宗諒堪稱敏政於是立經義齋焉聖賢宗旨根柢研磨
德行之選文學之科惟作述之是覈豈箋注之或訛入
官先期於學古取則無異於伐柯十三經局創咸平深
求簡要六九經板刊廣順豈在繁多復立治事齋焉綜
覽紀綱儲材煩劇欲籌勳業之隆先定治安之策習名
法於專門問韜鈴而前席莫不淹貫古今博通典籍事
經閱歷卽棟梁豈乏其材事出安詳雖履屐亦形其適
於以服古訓於以成政書於以蓄經濟於以免迂疏極
春誦夏絃之美等竹頭木屑之儲端在實心爲結構豈
嫌學業之拘墟名節敦而屋滿兩頭求之汲汲氣誼敦

蘇盒駢文錄卷二

六

而教乎四學來者於於厥後義疏益彰治猷共濟斗室
傳薪升堂講藝研經揭視北之精論事上安南之計但
百行之能修斯一言之可蔽笑彼戴憑劉向空疎猶愧
爲先儒卽看孫覺劉彝幹濟可傳諸後世洪惟我
聖朝經訓昌明事功博綜

教澤早暨於南邦學校遠過夫北宋士也幸

德化之涵濡佩名賢之講誦登蘇臺而仰儒風過湖郡
而思道統日早經炳學優益顯其所長竹帛事垂才大
豈虞其難用

名傳曩第器並鼎鐘氣分青紫色判淡濃想煙籠之渺
渺宜雨過之溶溶不愧難兄秘製有同塑鳳曰嗟予季
慧心也擅雕龍稽之要論格古相傳謂哥窑之品格類
董製之澄鮮自然洗剔幾費熬煎俗不比金叵羅祇盛
濁酒潔或如玉鑿落試酌清泉夫其口縈紫色足現鐵
光不歆不溢亦圓亦方佐盤匱之華美列俎豆之芬芳
有類官家取土鳳皇之麓自成作手呈材雲漢之章翳
此珍奇爭誇遠邇壺豈飾魚觥非刻咒伊遲技於洪爐
堪供玩於棊几比似處州細薄可合溜澗豈同元末新
燒不傳姓氏古質晶瑩侯鯖細評撫茲器具別樣經營

蘇齋駢文錄卷二

七

土脈而必期潤澤粗燥則無取充盈抱甕而來不羨如
圭如璧舉杯相慶果然宜第宜兄彼夫定窑細滑而始
佳建窑滋潤而如洗彭窑則君寶留胎柴窑則世宗肇
啟高麗窑時有花形大食窑類如銅體非不評紹興之
古器增重丁彝添清玩於文房堪貽子弟孰若專門獨
造製器精思流傳恒久貴重咸知要當想其微妙不徒
便於取攜倘學箕裘尙賴子孫永保縱非金石也誇刻
畫能爲客有低徊古郡搜訪名瓷識窑彩之各異知窑
質之獨奇於以攷量越貢追溯唐時嵇中散酒鬪遺杯
白齋莫陸龜蒙詩吟秘色如是得之

風蘭賦

珠璫翠羽何繽紛紙帳微聞麝氣芬穉綠悒悒黯如夢
蓬萊親見雲中君爾其福共梅修傲堪菊比佩解江皋
車停洛水繞十里之紅樓簇一叢之瓊蘂癡肥則笑盡
凡間綽約則有如處子室深香襲影墮葉欹屋侵晨而
蘿結窗昨夜而蕉移花小不須盆盎根疏骨住呆恩言
采其蘭風以動之乃若曲檻栖遲晶簾拂拭感延蔓之
晴摧怯孤根而寒勒盛籃而竹雨方霑繫髮而茶煙正
直芬芳似叢桂留人潔淨與水仙比德綠珠嬌小碧玉
玲瓏嗑花歎烏花草羞蟲罨瑣樞兮鬪窈窕襯薄黛兮

蘇盒駢文錄卷二

八

覷朦朧那不額黃妬粉袖翠憐風最宜清友周旋芳遊
閒雅素質葳蕤幽姿淡冶待訪天台之山不數湘娥之
野眷幽谷兮倦將歸問美人來何遲也

修竹賦

彼美人兮山之幽揚翠袖兮翠欲流日傾葵兮將暮屋
牽羅而待修想夫清風徐來新露如沐鬱蒼蒼兮會稽
瞻猗猗兮淇澳封稱瀟灑之侯人住篔簹之谷尋嵇康
以入林宜子猷之愛竹有若節槩蒼葢窈蔚籊籊瀟碧
輸委溝青紆軫報衛公以平安弔湘妃兮無盡微風振
簫有如嗶引又若渭川朝雨嶰谷晚晴對便娟而暑卻

夾檀樂而涼生近延青士高拂綠卿操有冰雪之潔濯
宜滄浪之清歌曰靈書紫文傳青童綠筵掩鳴秋蟲
撫修竹兮心忡忡不蒙垢於濁穢兮憐然有林下之風

榴實占科第賦

翳邵武之故區述郡庭之舊紀雲霄握司柄之權冠蓋
重鳴珂之里爨不悲桐文還賞梓操玉律金科之券桃
李成陰儲春華秋實之材蓬蒿俯視爾其詩話名樓翠
微著筆熙春臺卓立半山會景亭前臨百室柳幄欽風
竹林捧日郡郭遠環夫松嶺大夫曾號松封溪流更溯
夫桃源曼倩幾嘗桃實有榴焉瓊枝植骨火樹交柯紅

蘇盒駢文錄卷二

九

榮照耀翠彩婆娑絳萼徧含夫緗的朱房亦綻夫錦窠
賞此良辰也等興歌於纂纂縱教結子因何求益於多
多其實也未似瓜投先同梅標素粒中分赤膚外繞紫
金之梳含霜紅玉之珠照曉倘比到珊枝入網依然如
取如攜苟非關芸館掄才何論加多加少郡人士相與
觀之以爲夙通占驗不隔洪纖中心巧合信手可拈覩
此應時之異每同眾議之僉問棘闈何日登科方騰茂
實數蓉鏡當年及第總叶嘉占彼夫養心蕉卷衛足葵
能桐有生孫之瑞桂爲得子之徵槐茂而身家並裕菊
芳而眉壽堪增紅杏聯吟錦字美尙書之製青蓮借重

金門羨學士之登孰若此當前點綴明示揣摩卽人文之蔚起證物理之無訛感茲徵應益勵切磋多才而聚及百千頻叨上第嘉種而貽來卅八定卜同科

聖朝樛櫟不遺菁莪引進惟佩實之無虛更設科之必慎士也遠考徵祥近占悔吝漫詡蓬門勸學喜吉語之相聞從茲

薇省觀光冀吾斯之能信

黃甘陸吉論功章華臺賦

肆變幻於硯北紀果實於江東歎志士之見嫉比選女之入宮遂使齒牙激厲議論生風徒爭口舌之利豈惟

蘇盦駢文錄卷二

十

甘苦之同蓋世苟爲舍本逐末之見固將使金玉其外者易爲飾而藥石其品者難爲功東坡居士惡讒言之恣肆惕利口之媵嬰恐好惡之倒置溺嗜好之偏頗欲使世人知所取舍善其調和於是求士於泥山之麓蕭山之坡彼黃甘之始來拜溫尹於朝右平陽侯尊寵已殊章華臺推崇恐後試問其德何如其中何有縱無敗絮之譏豈耐經霜之久而乃品遜梅仙班躋橘叟雖蘇軾不能無疑而陸吉恥爲之友吉以齊楚約戰枳棘成行直奪秦皇之地遠獻神農之方有踰關拓地之力受剝膚剖肝之傷功堪蓋世器益難量方畧同於盧扁德

澤媿於龔黃又何論乎入金門上玉堂而楚王初喜吉
爲高致繼以甘爲善談類不殊乎雋永味其樂於咀含
而欲超出於穰橙鄧橘別求諸楚蟹吳柑是特不知吉
之體粹而徒取乎甘之言甘無怪其持論參差登臺往
復釣臺忘其清閒雲臺資其表暴不見其雉羅于羅轉
詡爲鴻漸于陸二高士徒自擠排左庶長尤形迫蹙而
猶不悔其舍己而營營致其笑爲困人之錄錄然而甘
特善柔吉爲尙質甘則或取合歡吉則堪勝治疾故下
邳猶列官常而穰侯終於廢黜吉美其能厯歲之寒甘
斥其僅效甜如蜜坡公爲之合傳亦以微旨諷甘而以
美詞歸吉是其惕憂患之餘生操出處之成見懼以耳
爲目之失真慮擠井下石之善變苟爲蒙莊之達觀豈
致趙孟之能賤願頌夫受命不遷無取乎勸駕乘傳迄
今章華之臺已毀而爲士者猶取鑒於榮辱之無常期
尊貴之不足戀也

脈望賦

一脫書癡便成仙趣夢睫何殊化螢頓悟開卷軸而已
非攬鬢絲而如故墨花隱約問誰更詡雕蟲香草編排
到此何煩辟蠹有書生何諷者旁搜墜簡兼蓄古書方
惜分之不暇乃得寸而有餘細堪髮肖圓竟環如豈念

賦之傳奇被開見蝨非知更之按節夜靜聞魚道者見
之曰此脈望也縹緗潛伏典籍沈酣前身是蛎顧影成
蟬以出經入史爲事惟蔽文嚙字之貪鍊到千年何異
還丹之九化爲一縷乍疑握髮之三使其以此規圓映
之月昃開天闕以何難降星曹其有力可求辟穀之成
方和以斷絲而生色下界而離塵頃刻備位金仙上賓
而換骨玲瓏脫身火食而乃不知道妙頓失奇珍未登
覺路誰指迷津徒水滴之虛擲嗟火燬之無因馬虻盤
旋猶示刀環之象鞠通遠去空傳琴曲之神掩卷纏綿
含毫邈然瑯環福地兜率洞天墨韻猶傳簡外粉光追

蘇盒駢文錄卷二

三

憶生前是蚓連蛇縮之餘不忘書聖乘鳳翥鸞翔之勢
直接羣仙客有遠繹叢書旁參妙義披雜俎之續編得
仙經之記異溯微物之靈奇勝深山之服餌羽陵博覽
神馳於金檢玉繩秘笈遙探心醉於赤文綠字

蟬賦

寒生澤國之天秋老江鄉之日港共叉魚巢還補蝓抱
冷露於蒹葭剖疎煙於柚橘不數鷓鴣之背劍擁雙
斜分蛺蝶之斑芒輪一一有蟬焉蝻蟬巨擘鯁鯁雄姿
剛柔相濟潮汐因時蟬筐而劈篋成籠蟬舍而屈竹爲
籬遲畢卓豪情左右作拍浮之想證長卿小字尖叉鬪

險韻之詩當夫十里江村一燈沙岸郭索有聲踉蹌無
算黃大而多寡休論白入而重輕可判乍喜租徼漁戶
玉糝全儲倘然醉倒糟邱金貂許換於是喚賣江南輕
攜水北沫疑吹浪而風微聲訝煎茶而煙直價昂論市
上之錢味美供盤中之食受辛曰搗腸空公子其何辭
解甲膏含腹果將軍而亦得別有去匡爲齋搓橙相饌
或以餽將時而蜜養各爲穿鑿之私莫考烹調之昉上
玉質金相之頌蹠亦盈千作含霜斫雪之觀魁應無兩
客坐掀髯香椒醉黏輪囷入選鑿落頻拈論雌黃而未
敢浮大白其何嫌何以佐之濁酒賢而清酒聖維其時
矣九月團而十月尖固宜評量水族料檢食單借此異
味潔爾晨餐羞鱉胥於菹醢集鱉浪於蘆灘美介士之
無雙任爾寒蒲束縛觴螭奴於重九恰逢叢菊成團

蘇盒駢文錄卷二

三

蘇龔駢文錄卷三

婁 楊葆光 古醞

書

朱涇防次寄內書

一昨錦衾辭暖曉露侵寒舟子遽招別恨彌觸孤篷轉側薄莫遂抵朱溪連日心情有如中酒每當同儕夜話客窗雨多動一點之靈犀悵數聲之唳鳥銷魂不已擬別賦於江淹望遠無聊笑登樓之王粲僕本情種而能忽然乎猶憶訪勝西湖同居名郡有終焉之志愛比高柔在天壤之間慧如道韞朱樓聽雨試顧渚之茶畫檻

蘇龔駢文錄卷三

一

觀魚悟濠梁之樂加以瘦影宜月和氣若春檢架上之縹緗解吟舊稿繙研北之縑素愛仿簪花君憐夫婿多情僕謂此鄉可老故卽風塵奔走宦轍驅馳而折紙言愁裁衣寄遠不織迴文之錦但吟努力之詩雨雪征塗依依楊柳江湖有信去去扁舟十七生兒喜阿侯之學步千萬珍重託崔女以言情雖波路遙違而驛程易達且復身厭羅綺心忘米鹽佞佛祝郎病之痊添綫奪鍼神之目斯亦極紅閨之樂事爲女伴所豔稱者矣無何而干戈滿地關塞極天妝樓之舊宅成灰傳舍之烽煙直逼嫁衣千疊盡付祝融珠翠盈頭棄如敝屣幸免寇

禍偕歸故鄉方慶同心連理之祥又遭封豕長蛇之亂
自此而路巡阡陌水入蘆葦幾疑宿世所未經欲問蒼
天而不語或離瘦骨抱維摩之沈疴膏沐無心歎姬姜
之蕉萃數實爲之非偶然也今日者移家南浦屢唱送
君種菱北堂聊以奉母惜嬌兒之怛化憐弱女之癡憨
屋有漏痕地皆低溼未免唾壺擊缺思舊事而傷懷破
甌傳炊念征人而減膳然而姑恩有曲婦德無訾尙當
畧兒女之情爲巾幗吐氣本根未撥易發穠花富貴有
時宜培福澤一雙紅豆寄相思於鐙炮月明千頃綠波
託離恨於莫雲春樹他日青山退步有君作和靖之梅

蘇龔駢文錄卷三

二

此時紫電生光賴我起袁宏之草春風多厲強飯爲佳

壽金香圃觀察兼乞假書

春夏之交蟾目瞪轡駒光過隙清風在遠靡日不思茲
逢薦麥之良時恭值懸弧之令日連理之木交枝於庭
除綏山之桃流甘於几席屬在下走彌切寡陳以公西
浙名家禾中碩望心澂止水氣藹陽春比清識而朗鑑
虛縣推丹枕而朝霞匿采焦山峯峻拍肩逢綠髮仙人
鐵甕城堅揮手卻赤翁子弟

天子聞而喜色大府以之敘功此黃昌兩日之訝陳眾
三生之祀所以頌華年介景福也而葆光竊有請者公

以一麾出守之才膺五命賜則之寵招賢作館開閣延
賓獻藝者雲集待炊者鶴望葆光值紅羊劫後黃鵠飛
遲枯魚致慨卞彬窮鳥有同趙壹乃篆刻雕朽鈍儲備
芻蕘譬之飛絮霑泥濯之激水之內落英墮溷拂之茵
席之間身賤恩多律吹暖應身受者驚爲奇遇耳聞者
傳爲美譚可謂隆矣然而戀戀情塵依依旅況攷叔有
母伯道無兒裴航曾到藍橋溫嶠因投玉鏡春酣金谷
下達將通水隔銀河歸期又誤良以抽衣欲贈空懷授
寶之心解髻爲歡莫數傳珠之智貧之爲病能毋憮然
公當人靜放衙詩吟退食手揮玉軫指約金環推此情
田廣爲治謹固已士有相莊之色民無怨曠之思而葆
光猶被怯青綾匳空金粉平章媒氏羞讀妝臺寶鏡之
書想象洛神幾吟翠羽明璫之句仁人之所憫也長官
之所亮也用敢陳其梗槩杼其積忱當攬揆之辰爲乞
假之請冀使板輿得御託寸心於烏鳥私情柳絮聯吟
頌君子以鴛鴦福祿葆光亦自知報稱不敢逍遙惟當
旱月兼程駑駘就列謹附呈所畫便面潞洄春水滋瑤
池壽木之華平遠秋山當天保岡陵之祝所有抹賀請
命下忱謹再拜熏櫝以聞

蘇盦駢文錄卷三

三

壽蘅侍郎閣下畢廣雲齋尹至出手書聯爲葆光壽其
文曰夔萑麇異荳萑蘆查梨薑桂桃李擘開卷香生挂
壁颺動叔重解字遂著說文君謨石經都成隸古務光
可作參差薤葉之文驚坐何來璀璨芝英之篆窺人得
寶碧落藏珍側聞侍郎碩學風馳奇文錦纈操鑪錘以
造士建旂鼓於騷壇鈔書北堂目空肉譜談經南部心
輕馬融而猶發金簡之書採源宛委入嵩高之室闢奧
謨觴凡載在雌鬣刊諸窈豆者莫不摩挲蒼綠點染丹
青韻籀同源斯冰直接比以

九重之命徧搜兩浙之奇縉雲則碑蝕城隍禹穴則文

蘇龔駢文錄卷三

四

殘岫嶮俗書姿媚不數蘭亭古法沈淪遑云墨妙每摹

一體士林重若璆琳偶綴單詞良工勒之金石聞之者

心儀師範見之者羨等神仙伏念葆光江南之鄙人也

幼不識之無長不辨菽麥棄儒而吏橐筆出游蓋當陸

機入洛之年已作王粲登樓之賦子陵臺迴慨弔先生

謝眺樓高愴懷詞客

嘗從軍至嚴州甯國

雅塗已滿莫酬皇甫之

縑蝸壁空存誰進宜官之酒如侍郎者雖遠瞻鳳閣耳

癩若雷而未入龍門誠傾無地不意臺登二妙陣展八

分索靖知名雅有銀鈎之勢羊欣何幸乍書白練之裙

文字因緣良非淺渺尤可異者載繹續紛之語適聯草

木之形栢藹諧聲榭駢字豈不以君家有果三匝無
枝繫等匏瓜處非遠志落於藩溷已非茵席之花幸免
斧斤大類漆園之櫟將使菊留瘦影柏抱貞心襲康成
書帶之餘作盧植楷模之用則又纏綿香草恍蒙杜若
之遺清亮鳴琴如遇孤桐之應者矣茲者青旂載道赤
舄將歸倘經七達之衢或賦高軒之過評量心秤不虞
右學之失傳彌綸舊章私祝儒臣之大用敢居少友申
以素交其或涸水難行前騶改道則瞻同山斗猶虛望
塵之迎身近蓬萊輒爲神風引去留茲鴻爪印彼雪泥
剖此魚書以爲嗚矢蒙如蒲柳失時已慨夫秋零公是

蘇龔駢文錄卷三

五

棟梁晚節不嫌於性辣所有欣感下情理合肅賤陳謝
惟垂察不宣

自都門寄內書

青春惜別朱夏方長心如轆轤目窮雲樹蓋當姑蘇打
槩吳江采蘭桃紅故里之花草綠滬濱之水總成離緒
莫馨憂思每欲寄意寸牋寫懷一縷而千頭萬緒不知
措語所由三筆六詩難盡言情之作四月以來僅於阿
母稟中致聲珍重而未及別裁煙墨切致纏綿者職是
故也此次入京原欲觀經鴻都論詩虎觀新例綦密獻
策尙羈都門爲首善之區文重輕平字取工整古文駢

體既少專家藻句新詞束之高閣既不得清班之附早
應爲祿養之圖然且流連不去者誠以航海遠來甫吟
楊柳寶山空手貽笑煙蘿猶欲出其舊聞證諸當世邀
名公鉅卿之賞抱璞何悲結命儔歡侶之歡題襟愈遠
樂此不倦聊以解嘲昔之人敘衍玉臺書成寶鏡中庭
取冷時分荀羨之涼答拜下牀更肅樊英之禮繹盤中
於伯玉遠道加餐答琴韻於秦嘉清音嗣響莫不證聰
明於慧質將愛玩以終身況僕之與君兩小無猜三生
早契琉璃視匣曾共垂髫翡翠筆牀相貽素手者乎時
則家山小別湖上前遊故劍難忘新衣未著而白波驚

蘇龔駢文錄卷三

六

羣盜之聚黑山罹餓隸之災相見亂離不遑居處探賊

中之巢穴

指外父陷賊時
子隻身往訪事

親撥鼻氛走足下之波濤幾

沈魚腹

指子由沙洲渡江自泰
赴通遇風幾覆舟事

崎嶇備歷伉儷始諧自

是而瀨水浮家共弔荒祠之貞女曲阿泛櫂欣同生日

於蓮花

指己已荷花生日同人邀
遊練湖爲子豫祝生辰事

不憂貧賤之累人惟

悵別離之誤我長安就業祇在便安客況無聊時觀雜

劇每至可歌可泣如醉如癡涉閨房狎昵之私作兒女

綢繆之態夢梅歷歷庭院蕭然折柳聲聲陽關悽絕美

人香草豈其盡屬寓言女壻微雲不覺聞而墮涕人之

情也曷有極哉君吹氣若蘭吐慧如雪好麗有殷勤之

意傷離多悱惻之詞倦繡窗前時同溫語晚妝樓上幾
度追尋自苦春蠶縛絲絲而不已怕聽秋蟀語絮絮而
未休當此遠道懷人他鄉久客方貽芍藥未采文無銷
愁焚亞濕之香排悶檢靈飛之目祇有天邊明月能照
雙心何來江上清風吹成一氣知必有報蕩子之長信
紅淚潛彈哀人生之多艱素心難寫者惟祝順時自保
刻意遺愁菱草正榮代盡晨昏之侍芝芽方茁加以培
養之恩喜曉閣之妝成簪花閒寫當晚鐙之罷剔角枕
早安縱難爲太上之忘幸弗爲多情所苦使僕得遊踪
稍歷客夢無驚揮毫成如意之珠不嫌西笑開卷得平

蘇龔駢文錄卷三

七

安之竹增慰南雲他日薄宦早成買山歸隱鹿車久共
鴛鴦俱雙洗我牢愁同作采衣之舞抒卿蕉萃長依錦
帳之傍遠託蒼波諸惟靚鑒臨緘棖觸不盡依依

上合肥相國書

宮太保爵相閣下竊聞荆玉含寶以開瑩而愈華幽蘭
懷馨資扇發而增馥物逢其適且喜向榮人孰無情烏
能自己豈有吹噓正亟忽爲馮煖之歌吐握方殷遠拂
周公之意者乎然而願有餘者力不逮也時方盛者事
或違也葆光當春明落拓岐路徘徊述賓戲而自憐著
客嘲以見志欲過歸故里深虞父老之貽羞欲奔走侯

門恥曰相公之厚我南雲增慕西望徒勞荷孫方伯招以弓旌鶴書遠逮授之館粲鶯谷始遷且知就養之無資有類嘗羹之請遺私喜客囊雖澀將分召伯之俸餘履躋而還不悵蘇秦之裘敝雁隨秋至燕逐春回遊子欣然行有日矣乃黃太史賞之塵外商諸局中將使長揖楚詞抗行周雅而閣下方以義山奏記有契河東夢得上書深孚僕射遽闕招賢之館遂登大雅之堂葆光雖心戀慈雲情縈愛日然櫟社蒙顧卽散樗亦將取材平津大開豈小草不知自奮溟池暫息藝苑重窺於是分校牙籤載稽圖法遠溯金刀之利兼詳銖兩之殊掌

蘇龔駢文錄卷三

八

自水衡知鐵官之可廢開從山庫等寶鈔之橫書探厥源流系以世代遠則追乎秦漢近亦備乎咸同時逾十旬書成一卷繼又料量兵制諷詠干城攻因革於戎車宋政令於武選辨五兵五楯之眾寡分九法九伐之重輕篇目繁多歲序流易雖有稽於全帙已粗舉夫大綱葆光自束髮橫經折筭受教外盡師承之誼內秉母訓爲多鞠育恩深護幃侍久卽至待次杭郡于役宣城負米遠行賣文它出每至數月而返未嘗終歲之淹獨至冀北之遊倏逾兩載圖南之舉未效一能甘旨久虛子舍且莫供菽水羈旅遠滯修途更誰奉板輿太史與方

伯俯鑒下情許謀歸計將以四月之望徑圖一葦之航
凡厥惻忱亟應宣寫閣下宣布

孝治曲體人心上邀

賜壽之榮下溥含飴之化觀感深於遊子箴誦倚闥膏
澤逮乎鯁生詩賡錫類固知元平遠去豈其失宣武之
歡白傅爲文不至緘贊皇之篋者矣葆光此行橐有藏
書囊餘束脯迅過海國早達里門見行子之還家高堂
色喜述名公之知遇朋輩睂飛從茲漸入青雲知宰相
不難造命他日重依丹轂如嬰兒之效投懷俟抵津沽
面申誠慤先塵執事祇叩助祺楊葆光謹謹上

蘇盦駢文錄卷三

九

復吳吉卿廣文書

吉卿仁兄侍史春間訪尋行館已駕單車曠祀踰年豈
忘遐訊遞中書至念我飄零方居華堂不遺窮轍發函
歡喜詎有已時伏藩崇德懋修仍就徵請適當校士尊
酒論文巨眼傳薪輿情大慰裴叔則之名理許元度之
精微淥水蓮池古人豈得專美葆光今夏幾不自存欲
就九江關道之聘以今護院德公旁采眾論藉事見留
旣而請補黃巖丞銓部回文頃知到浙矣李又梅廉訪
與成梓丞太守爲兒女姻葆光曩在焦山小住僧廬鴉
塗滿卷李公一見心許博訪行蹤迨葆光重至浙江李

公遠駐海塘其尊人黼堂中丞塵外下交遽深嘉歎烏衣公子方爲榜道之求朱履名卿條又褰裳而至及與李公相見磁鍼之合膠漆之投無以喻也年來渥叨獎掖隨處齒牙以慰索居彌勞眷顧嘗述及太守清衷淵映豪氣秋澄渴有求通之心每恨相見之晚屬補授丞缺隸在官常將以就道之初許以作函爲介且賴閣下近在幕府溫言引進前席先容盡士見大夫之誠無辱作衙官之慮豈料吹噓所及聲價頓增聰比謝公忽采王郎之曲賢如梁孝徧詢枚叟之才蓋至此而感知慕德之忱與怨老嗟卑之念不覺一時交迫矣陵颺得氣

蘇龔文錄卷三

十

着翅欲飛雖隔千里有如咫尺惟實缺赴任律有明文歲尾年頭計當捧檄聞黃巖丞治離郡僅六十里耳朝發夕至色授非難削札扁函驛程易達備文稟請之議似可省此一舉抑葆光更有請者古人有言一命之士當思於物有濟葆光厠身簿尉抗志澄清慚過五十之年未有尺寸之柄它日倘蒙太守假以詞色屬以事權當爲之整飭士風宣布德意振興文教隱戢奸頑而不徒爲太守歌詠聲華潤色鴻業已也閣下其能以謙陋述之太守俾太守知鄙人之素志乎今冬如果成行必當挈眷閣下與溫和公爲中表親而內子則溫和公族

女也推原孔李本屬通家況異越秦豈儕陌路如有同行之意尙祈及早示知菊丈生平與葆光有嗜癖之癖涉筆所至擊節不遑未免過情之譽實深知己之感有聯輓之云才名傾海宇豈惟百里之長尤憐兩代心交獎借許追楊伯起老境迫寒瓊竟爲一官所誤賴有千篇手訂清華同佩沈休文閣下聞之不更悲耶香遠游閩已回郵筒有閒茲承明諭隨當修函葆光近因勾當部文逋函四出十無一應世態可知知爲香遠鳩資益歎義心旁溢矣書去之日心與俱馳積雨漸寒萬萬自愛

蘇盒駢文錄卷三

七

啟

約同人場後小集啟

將以弄濤之日同登促醉之場文陳新開有墨舞筆歌之樂客途小集結嘯儔命侶之歡逐隊如魚密爾舊雨接翅之鳥歛彼晨風館號如松山峩叢桂采東園之菜甲斫西淀之魚頭爰告同人翩然來會有若長洲戴君毅夫昔踏歎紅今來醉墨集唐百律長安吹徧香塵擬古千言菊部傳來蕉景豔詞寄慨丈夫不得志於時綺語連篇君子以爲近於勸毘陵朱夢霆同邑沈日初初入歡場便登道岸色授魂與梅引夢而方酣紙醉金迷

月窺盃而不去同郡若徐古香朱靜山顧孟平王企曾
席翰伯客懷同抱文采相輝或聞聲相思早有眞香之
薰或逢場作戲不留皮相之痕凡此俊流皆吾儔類僕
新羈客館本是恨人秋駕徒勞空效屠門之嚼北風蕭
瑟幸無茅屋之嗟酒醞羹香縱典衣而豈惜紅牙白板
恐喚坐之不遑尙有小詞屆期就質臣卜其晝願香車
寶馬之早來客尙能狂傾桂酒椒漿其無算

謝孫省齋方伯賚瓜啟

頃還齋閣蒙使賚瓜瓊蕊載珍藍皮密理遠勝青門之
種差同碧李之沈頓使夏室含霜冰谷積雪葆光學慙
鄭灼聊藉鎮心才謝君安末由徵事慕吳越之逃暑亦
敘戰功挹齊趙之濃香端因鼻選實增欣躍無任感私

序

黃雪軒廣文丈畫冊序

夫陽文之美非秦鏡不能描班倕之巧非少游莫可繼
何則非其人則匠心徒運得其旨則天籟可通豈謂人
工終無草木賁華之巧但求名筆自有雲霞雕色之奇
我雪軒外舅先生賦棋正字幼而徇齊奪席橫經長更
醴粹宮商佐其吐納文史助其馨逸凡五雅三倉之奧
游魚含鳳之神楚豔漢侈之聲布卦別著之秘莫不直

探窾覈盡削夸毗僕病未能有才如此使之高蟬臨鬢
吟鷺陪軒登明光之殿則方聞咸薦對宣室之問則弱
冠有聲雕繪景運潤色鴻業攻其所學亦何慝焉而乃
強臺未上浩劫旋淪伏處海濱往來江左出其素蘊以
眩時人或載筆測交三問三答或裁牋紀勝一字一縑
固已荆棘盡除寫學士悟中之竹春秋如答羅郭家訓
裏之山矣於是抽秘思騁奇筆胸參如海氣來若春歷
時三年成圖八冊到洽丹青之手增重賢流將軍金碧
之觀殫心遐訪加以顧虎頭之題句滿紙珠璣張長史
之草書聯篇雲錦忘憂添繪潔膳以奉高堂軟障圖開

蘇龔駢文錄卷三

三

拈花而呼嘉耦縱非丈夫之得志當亦作者所快心而
先生之於葆光也早歲見知冲襟善誘霜鐘遠應雜佩
相貽雖居無忌之倫分同甥舅而尋高惠之夢愛若弟
昆近者客苦風塵江遙南北然猶徘徊岐路贈以雲樹
之新圖癸亥於泰州別先生以所作春樹莫雲圖爲贈矜寵離人字以螟蛉之
愛女韓嬰曰和者好粉有殷勤之意者好麗其先生之
謂乎葆光目眩縹緗手摹煙墨過蒙期許誣諉題詞回
想髫齡原是同聲之曲何時學步得參入室之班爰述
去因敘爲小引他日尙書給墨騁餘情於呵硯調羹後
人識曲尋音視此作爲金絲瓊樹

重刊益神智室詩序

夫聲叶柯亭崑竹有久淹之慨光移隋乘蛇珠生匿耀之悲自來懼望舒之淪靈苑易悶悵陵颺之逝雅奏將湮不有傳人得毋抱恨是以祥金埋照待赤土而始騰縟采敷華奮璇條而愈暢時之隱現非偶然矣益神智室詩集二卷金山程襟蘭先生遺稿也先生生而醇粹早著聲華振采則鸞鳳退飛吐氣則風雨驟至清衷泚映發奇氣於曹劉逸采雲生陋妍工於沈謝而乃強臺未上終沈弱水之波俾闔無功始就飛鉗之學蘭芷芳其體文繡範其身彝鼎在左球玉在右雖不得桃亦無

蘇盦駢文錄卷三

十四

曹焉蓋先生之於詩也筆若懸河才逾量谷匪斗石之可喻實經緯之相宣截貝編珠大有發皇之作吹笙鼓瑟不少投贈之篇惟所好在茲故簪組不能斂其癖惟妙門獨得故儕偶不敢窺其精長吉嘔出心肝聞於其母君苗致焚筆硯實爲斯人逸藻所抒清源自遠已加以天懷敦篤上德冲和眷戀庭闈友于兄弟溫席扇枕時傳孝子之風援溺拯飢善述德門之事宜乎澄懷體物卽景達情音取其諧則感人易入言之多婉則悅性愈深若天籟之相吹應手赴節辟轍環之合軌道直途清倘正始之是求非先生其誰屬無如苦思促壽急景

凋顏松柏未森驚碧樹之隕瘳弓治有託歎白楊之成
林莫展驥騾之豪彌憐偏步遙嗟鴻鵠之志已隔昭途
同邑姚君蘇卿先生之外舅也悲先生之遇嘗序其詩
而傳之會元二之災年蕩遺書於劫火奇文爲六丁取
去厄甚幽扁名山秘二酉所藏幸存傳本令子宣甫司
馬楹書善抱竹冊窮搜枚生之後有皋宗風未墮夏侯
之門得建經學將昌亟謀剗剗之工重眩元黃之采遂
徵惶引猥及鄙詞葆光世德久聞遺型遠慕巴歛振響
豈能擬白雪之高瓦缶齊鳴何足狀黃鐘之雅獨念先
生文章未死簡墨有靈賢嗣方興芳薰益烈爲次山作

蘇奩駢文錄卷三

五

序後生幸附於玉溪比中郎之碑令德奚慚於有道方
權欣之不暇敢譴陋之引嫌乎

練湖觀蓮詩序

維

皇八年月在辛未廿有四日荷風時來同人告余子年
四十以此辰良爲子上壽賓游曲邕宜思騁懷曲阿後
湖厥名練塘項子子明先買舴艋架以新竹蓋以編篾
旁懸畫幔以拒日影雷雨初霽坐以待旦啟明始行遂
出西郭攜酒一壺鑪具香屑兼市梨果僂促解纜小舟
無橈長篙短楫水藻如滴游魚上下行三四里曲折可

喜遠見翠蓋但有綠意花如脂凝點點入畫轉側漸近
花葉相接旁有舫鷓雜坐僣從三四人茗椀旣具羅列
甘脆奠酒熟香爲花致祝旣復舉楫經過高阜石柱森
矗牆垣積廢韓子故土著指謂余曰此昔望雲流水之
軒也又曰此太白亭也檐瓦鱗比及百楹悉燬於兵相
與太息已抵一境芙蓉數十畝舟入其中儵然出塵舉
酒更酌競復摘取芳心自苦食的去蕙余隨手奉一蓮
房中有二子並生一房撫舫失喜清賞斯足日復炎炎
因命返棹舟人承響而回道經前阜阜旁皆荷沿阜尋
徑石級猶在半登半留草深沒蹠踞坐石欄高眺遠岫

蘇龔駢文錄卷三

六

一碧無際芳香襲人亭臺址荒耆老殆盡彫牆故壁無
復存者苔滑露潤或致傾跌肅然而返重循故路遙望
京口諸山隱隱起伏行人往來車馬騰踔偶因得聞嗤
彼馳逐俯視水流添注茶具見龍龜蜻蛉皆作淺綠色
欣喜有會狂吟離口小几忽傾人亦隨倒喧笑起坐旋
相登岸手持好花心數靈境歸而展拜奉觴稱慶釀飲
大醉驟雨適至旣醒而起因而賦詩美朋舊之雅集慨
遭逢之多故僕本恨人不辭綺讖凡此戀念悉根夙因
種因無窮結想未已次爲詩序以紀勝游同游凡六人
錢塘范鴻賓瞿鏞丹陽束榮川項克俊韓鳳來嘉定錢

士鑣未同游而同飲者一人錢塘孫本恒越二日紅豆
詞人楊葆光序

袁杏生印譜序

慨自飛龍絕迹羲臣之秘云遙我馬旣同周室之書已
古迨乎抽金匱之軼簡垂穎成珠升太學之講堂列楮
綻玉鸞驚鷹跂猶將傳其風華鳥韻魚頰差足想其體
勢望古遙集專門名家刻畫之工由來尙矣於是章傳
屈曲法備神奇摹印始於漢家奏刀極於秦璽體隨世
變物以人傳綜厥源流蓋有三益夫金石之作浩於河
海碑版所載繁於日旱索靖蔡邕之奇史籀李斯之學

蘇龔駢文錄卷三

七

披陳所及周徧爲難一顧它山如徵異鼎之罕常式有
時出諸錦囊碣石誦烈兼可徵諸汗簡讀史之暇博覽
攸資其益一也小學陵夷說文幾廢建首之部漸昧其
權輿新坵之文復申其臆說將使其理相貫旣非雜而
不越據形系聯復非引而能申賴此斷章猶存餘緒因
文辨義在五百四十部之中傳信聞疑以九千三百字
爲率其益二也孔壁臧文及隨開而已蠹顧廚妙畫縱
未啟而猶飛雖有標題誰爲徵信必使字兼朱白不嫌
入木之深裝上丹青更見畫沙之趣縑素因之而增色
攸藏藉此以流傳其益三也然或尋源不的執業多疎

穎脫毛生錄錄從事等濫東郭一一未能形似拘求既
刻鵠而類鶩偏旁湊合還斷鶴以續鳧方之古人不免
於騰笑稽之作者何以爲嗣音乎袁君杏生勤攻六書
探索十稔訪碑甚確選石斯精犀象紛陳晶磁並列鐫
成印典竟傳鈿閣千秋寫入花牋省識寒陵一片固將
與眾以殊好方且與古而爲徒采及鄙文以爲嗶引吾
聞袁君之言曰幼侍庭闈家多藏度每執一經之暇輒
探三古之微闡闢鼎彝網羅秦漢是知良冶之子必善
學而爲裘大匠之門固無傷於代斲嗟乎煙雲易散栝
捲徒悲葆光當髻鬣之年亦藉圖書之舊優游名跡跌
宕遺編迨至劫火飛灰大盜胠篋有煮鶴焚琴之慨作
抱殘守缺之儒伏櫪之鳴已非壯志雕蟲之技不合大
人以視袁君惡顏彌甚又何足爲之引重耶光緒三年
歲在丁丑夏四月婁楊葆光謹序於津門行館

蘇龔駢文錄卷三

六

蘇盦駢文錄卷四

婁 楊葆光 古醞

壽序

劉鴻甫司馬丈七十壽序

夫高年爲世俗所寶而非名宿則莫可傳隱居有賢者之風而非盛德則不敢信故顏舍不問卜筮毫臺猶登顧況不求美官滄溟自遠而況一家和氣氏屬無懷千乘送車人還有道如我鴻甫劉先生者乎先生幼而孤露長卽橫經童子神仙六事齊舉秘書正字一斑已窺雅善論衡精識辨瓊邪之稻偶然高詠清才託學舍之蕉蓋勵志如張華修心如江總博物如東哲攻苦如楊憑學古入官基於此矣旣而握瑜上獻名雋賢書執篋而前儒尊國子杜少陵雅稱詩史鄭康成本是經師入朝受

蘇盦駢文錄卷四

一

聖主之知漏下六刻珥筆上賢臣之頌詔除一官斯時其可以種河陽之花拾齊州之榷矣而先生以爲忘南陔而戀北闕非所以振人倫也蓄趙鶴而缺茅雞非所以勸實行也小人有母敢忘密室篝鐙遊子歸鄉惟詠春暉寸草爲堂上釋倚閭之苦餘膽罷舍與諸昆仲御輿之懽鬻指不痛逮至秋霜侵老早迷媮宿之躔金菱

謝芳始入選人之座以視奉檄而喜動顏色絕裾而志
在功名者先生不已多乎初宰安谿能膺赤紫萊蕪盡
闢絲灼皆清刻梧槽爲人決獄無比洗萑苻之穢視民
如傷祠舉蔣公謂樹木不殊名節廉齊楊震豈莫夜而
受黃金迨任蘇江依然琴韻通斥喉以示狼煙之備葺
城郭以壯雉堞之觀復揖顏拜孔之明禋扶持名教分
仁粟義漿於古寺培養人材巴蜀感恩四境沐文翁之
化河南翦暴

九重知崔碣之能屢入秋闈盡稱得士三條燭下舊是
書生數仞牆邊幸同恩地戰場雖古不迷到眼之花閨

蘇盦駢文錄卷四

二

苑先登總在門生之列然而循聲報最龔黃之遺愛易
追文字因緣蘇白之風流難繼先生則放衙纔罷不廢
吟聲公事將闌便譚文藝持牒求判愛少公之草書題
署尤精是仲將之妙手墨舞筆歌而色喜金迷紙醉而
神怡案牘何勞側耳皆理篋篋必飭捫心不虧旋登卓
異之科格於歷俸之例人謂謝吏部之笑不與人官我
謂羅彥輔之清可爲士表而先生亦已簪笏情澹煙霞
錮深矣歲己酉引疾歸馬上行裝只馱詩卷舟中頑石
尙載鬱林別父老者選錢而行送令尹者持鞞不去道
旁泥首皆一時桃李之陰圖裏謔行

先生有閩遊紀別圖

助老子

婆娑之樂由是拓三弓地垂一桁簾蹤追顧陸而非遙
人與羲皇而俱遠而葆光以爲未足盡先生也昔者山
谷跳梁滬城傳檄土著蒙池魚之禍屯兵悲牧馬之鳴
雖發武庫之藏小醜但須鞭打而克彈丸之地軍中已
苦夜驚先生未雨而切綢繆保身不慙明哲陶鞠移種
鄴架罷翻初猶避地於海濱繼卜新居於秀野蓋高人
裙屐原不蹈白肉之危循吏圖書亦當免紅羊之劫而
非先生之見幾而作思患豫防而能儻然乎今者黃花
香遠絳老年多近十月之小春爲先生之攬揆長君遠
宦大有獻之繼父之聲諸子聯鑣無非謝氏門庭之秀

蘇龔駢文錄卷四

三

采蘋繁以佐祀事命婦禮嫺擷芹藻以博歡心文孫才
麗葆光幸同鄉里得廁雅遊絲竹升堂竊比傳經之客
龍蛇銘石奉爲問字之師自笑萍蓬遠別范家之老祖
有慙孺慕輕拋萊子之彩衣則雖獻介壽之歌詞得毋
爲長者所不取乎然而庭幃甚樂瓶罌是憂菽水縱甘
簞瓢易竭在先生早年奉母莫非本錫類之心在小子
壯歲依人何日釋承歡之志敢自忘其鼃鳴蚓竅輒私
獻其鶴舞猿吟小友頻呼許我以秦漢間之手筆大椿
永祝願公以八千歲爲春秋

王曉蓮方伯六十壽序代

蓋聞君子表微敦行必先揚善達人安命通才自享令
名在昔名儒例登毫臺由來善政能挈綱維宜乎繡鎧
珠袍寶氣應瑤樞之瑞赤芾金鳥榮光分絳斗之華遠
跂恢台有資宣寫嘗謂壽言非古頌禱徒工苟專尙夫
浮文轉未詳夫實行連篇珠玉不免繪空鏤影之談滿
紙煙雲祇誇摘句雕章之妙斯固文人之積習要亦盛
事之難逢鋪張徧及于家風故實孰徵於世本管弦雖
叶金石誰鐫若我方伯王公者豈復需平流祝嘏之詞
豪族稱觴之舉乎公以太原望族姬姓華宗接鶴渚之
賢攬鸚湖之勝垂髫問字已知韞玉之奇束髮橫經早

蘇奩駢文錄卷四

四

擅弄珠之秀者宿望童牙而卻步高軒過陋室而傾心
俯攀在泮之芹一翼稱雋爰釋成均之菜百行俱優加
以立骨清剛敷詞茂美書補三篋張子孺殫見洽聞賦
就兩都班孟堅讜言宏說文章豈惟八斗材藝足了十
人此其可傳者一也洎乎名傾兩浙策冠乙科受秋駕
於尹需強臺未上擷春華於庶子 國史親鈔斯時也
中郎夙慧小令盛年僉謂縣布再登取科第有同拾芥
振衣千仞豈襟期下類奔林而公乃無意客游有心祿
養軟紅寂寂初窺 秘府之書慘綠翩翩竟備河陽之
選一麾出守七萃從戎此其可傳者二也於時大澤古

袞之地縱陽桑落之間立柱猶稽跳梁正迫徒勇者銳
進怯敵者寡謀公出其緒餘贊此軍略賀齊之工文畫
門艦若山袁紹之設重圍鼓角鳴地磨盾草檄舍爵策
勳未聽鳴琴而遽森畫戟將驅五馬而已策單車遂謂
學士之筆鋒無異武臣之鼙鼓此其可傳者三也夫刀
斤異用或遷地而弗良軌轍未和豈出門而遽合才以
地限理亦宜然而公則軍門揮扇方辭皖伯之鄉滬上
援桴徧數袁崧之壘維時合肥相國正厲戈矛倚爲干
櫓相國雄才大略而公以靜鎮參之相國糾暴教罷而
公以寬平佐之官聯合度相得益彰是以束縛長鯨時
雨及於江左馳驅戎馬福星遂照吳中此其可傳者四
也勳階屢擢率屬彌虔初爲時臬之陳旋奏維屏之最
升亞相之重秩李義山廉問肅清布惠政於藩條陶士
行宣風俯寄蓋繡衣所以執法能得法外意斯雪理悉
當刑名繭絲亦足親民能以民爲心斯日贊俱成美績
昔之人留心宰物外臺宣五聽之慈收錄遺文故府奉
四時之令將今擬古異軌同途此其可傳者五也
天子念撫馭之有方以糧儲爲要務萬家煙火方借寇
恂十郡香花齊迎崔碧梯山航海致其力飛芻輓粟嘉
乃勳孔翠一枝貢禹有彈冠之慶山雞九命江州詠章

服之榮斯又仕族之美談儒臣之遭際而某之所耳鳴
行誼者猶不僅此也公治譜遠傳天真尤摯當毛義捧
檄之歲值臯魚奉諱之辰固已倚牆爲廬量米而食共
羨

九重賜賄足酬渾乳之恩迨至七日歌虞未解焄蒿之
慕叢塗力瘁桐削心摧迄今述林下之風猶稱孝筍讀
閣中之記欲廢蓼莪凡於內行之修明悉屬人倫之表
率此其可傳者六也至於某之於公也叨居鄰郡耳熟
盛名備職下僚躬爲屬吏絃歌乍試久依風紀之司盤
錯何能猶被霜臺之賞儆宅心於愚直求當精詳慕奉

蘇盦駢文錄卷四

六

法於廉平仰窺振挈值九秋之初吉慶六袞之辰良芝
玉森然蘇斑欣爲有子菊觴熟矣蘭亭重集羣賢寸管
潛窺敢附仁者贈言之義一匏用獻敬誦在公飲酒之
章

孫雁臣封翁六十壽序

代

蓋聞松柏有心經風霜而益茂林泉養志託煙月而彌
清況夫節展蓮花暑消梧葉斗槎泛而銀河近商律改
而琴弦高桃將度索仙人天上過雙旱之會菊采酈泉
壽客世間傳千里之觴萃 畿輔之士夫欣持牛酒走
浙中之僚案共奏鸞笙時則我姻家雁臣三兄年大人

年六十矣君生而岐嶷長更徇通楊子雲作賦名家高
文通居貧篤學江總邃修心之詣張華成勵志之詩芹
芽早茁於春郊聲蜚鬢序芻秣絕塵於秋駕光吐棘闈
將謂鶚薦旣膺鴛鴦鍼必度綠萃鼓瑟何難歌鳴鹿之章
紅杏開筵方且逐聽鶯之侶而乃強臺欲上縣布莫登
刻楮抽詞空展奇才於翦水粲花著論祇傳傑作於藏
山古之人績學青箱馳譽白望而入憤王之廟貽憾文
章擬窮鳥之吟縈懷仕進才不偶命昔者所嗟君獨行
無挫志泊然寡營遠卻名場便成高隱築一弓之地心
形兩忘種八百之桑營求不事蘇玉局買田陽羨有此

蘇龔駢文錄卷四

七

襟期王子猷放棹剡溪深耽逸趣所居古舒國地固鳩
人之舊館而鵲尾之奧區也近公瑾道南之宅可想英
風是文翁釣遊之鄉尙敦古處浦連箏笛塞水藻而俯
清流山訪春秋援石蘿而登絕頂煙雲入畫雞犬皆仙
以擬表聖之住王官子真之居谷口昔賢可作同志何
難將使鷺塵之徒懷響生慕逐熱之子望景怵心而君
亦且自愛吾廬深護愚公之谷恒蠲世味長安連石之
鄉矣無何而驚颺突起駭駑橫飛盜弄潢池兵連江左
田園烽火鄉里鼓鼙觸籓方筮夫羝羊巢幕胡爲乎燕
雀斯卽守廉如仲子猶虞井逼螭螭寄寓若杜陵不免

堂空鵝鴨綢繆牖戶俯促關津維時哲弟省齋方伯姻
家始陳臬於之江繼榷鹽於粵嶠張家鸞鴛本是祥禽
穆氏醞醕尤同珍味君於是溯流擊楫登陸呼車走江
上之難兄就池塘之俊弟有前襟後裾之雅田氏荆香
美金昆玉友之稱姜肱被暖柳枝春麗停橈明聖湖邊
榕樹冬榮蠟屐羅浮山上狼煙旣遠鷗夢胥恬官舍餘
閒敘天倫而樂甚書堂小憩操土音則怡然乃君以爲
紫袍金帶之間非芰荷所宜容與繡屐朱門之內非松
菊所可優游頌雖美夫鵲鶴心每繫於魚鳥迨至鐵額
銅脛之輩一例煙銷赤睂青犢之倫千絲霧散江鄉復

蘇盦駢文錄卷四

八

聚邨社重聯而君亦遂逕返桃源長依栗里今夫遁奇
不耀者必託趣之味長偶影獨遊者必寄傲之情鬯君
探源繪事泚筆新圖遠則俯仰徐黃近亦揖讓林呂活
禽生卉化機本自天成怪石蒼松意造不由人巧神品
超而妙品韻恣粉墨之鈎摹春山淡而秋山明極雲霞
之變幻蓋畫學中花鳥竹石草蟲諸科厯朝固不乏專
家

昭代則尤多名手暉正叔首開法軌鄒小山雅接宗支
壽門淨洗鉛華活梅花於腕下籜石發揮水墨生竹樹
於胸中君能獨運靈根博綜衆妙竭今人之能事得前

哲之會心良由造懷甚微故物態無可遁蓄韻彌寬故
幽境不能藏加以寄意才人陶懷風調偶按霓裳之譜
工爲幼眇之聲梔子爲篇盡是連環之體薔薇作曲無
非碎錦之詞問江表之使君長笛命爲第一跨南齊之
良史琵琶亦號無雙斯又紅豆故人慰邇年於劍外青
衫知己感白傅於江州者已廷謙昔嘗銜

命洪都衡文豫省醜酒集滕王之閣懷古登聘君之亭
適君寄跡南昌怡情北牖躡梅福之嶺拍洪崖之肩避
地而來眞到秦人之洞采芝爲餌遂沿葛仙之溪廷謙
當搜輯藥籠弦歌瓠葉而敘通家於孔李近接寓公訪
世戚於潘楊幸逢舊契則又出遊之軼事持節之餘情
也君以省齋姻家貴屢膺

寵命疊晉

恩榮琳瑯則紫鳳銜來

簡冊則丹鸞捧至

綸言煥采共欽資政頭銜履度惟貞不改書生本色今
日者承筐綺席鞠魁戟門庭開四照之花盤挹三危之
露長君製錦以頌禱爲承歡幼子勝衣已崢嶸而露角
欣直杖鄉之歲兒可扶藤初徵花甲之週孫知索果同
懷健在悉屬方瞳玉面之仙羣從多才均爲竹馬羊車

之彥崧高峻極以耀日海屋汪濊以添籌仁里降祥名
都傳誦凡茲嘉話梗概敷陳不特鄉鄙之休徵抑亦
昇平之人瑞廷謙葭孳久託蘭芷相依值此

清時躬聞良會所喜九卿世族有恒首數夫甯俞萬石
家風循分不愆於石慶名宗可鑒美意延年操觚揚鱗
而前侈陳三善拾級厯階而上競頌千秋願充蓬島仙
班挾瑟厠華縉之隊用獻麥邱私祝抽毫來雲錦之堂

黃恂甫封翁六十壽序

代

夫比齡旗翼者或取象於列星致祝嵩衡者或徵祥於
五嶽麥邱聞邑人之誦幽風臚父老之歡介壽有辭由

蘇龔駢文錄卷四

十

來尙已是以經傳揚子福應貞貞傳著鮑宣愿稱翬翬
況乎黃花貌古飲甘谷之醴泉丹藥香生溢靈砂於仙
井德門仰望世詰綿延敢以摭實之詞敬代引年之說
維我恂甫舅氏幼稱麟角早具龍文玩素游元探九邱
之妙蘊立德踐行託十賫之緒言孝友情濃功名性淡
持身以直植根羨和嶠之松秉節斯廉鑽核鄙王戎之
李使其殊姿有藉慧業垂成則踵猛士之風裁遙張勁
弩望京山之雲氣竟上强臺而乃懷光暢幽望塵請友
黃叔度夙稱雅量澄如千頃之波褚季野妙合太和靜
備四時之氣豈餐霞之有癖肆志優游信如日之方升

開基鞏固已加以逸情遠出天趣橫生與君笑言使我
久坐桑梓之清談曲繪粉榆之取適良殷眠妮箴心徇
通樂志仰同功之火九族感其施有多聞之風三友受
其益作被髮纓冠之救人賴解紛多斜簪散髻之時會
聯眞率古之人息衡門以掃軌致美崔駟避千乘而鑿
垣希蹤顏闔方斯高尙蔑以加茲霖溥少時嘗侍秋山
舅氏爲言太封翁五外叔祖之爲人陰德耳鳴眞修躬
踐推姜肱之布被誼篤諸昆起樊重之華堂恩周猶子
所以敬宗贍族匡困急公者其心無勿摯也其志無勿
堅也故逾花甲之年始協蘭徵之夢壽躋耄耄澤遠來

蘇龔駢文錄卷四

十一

曩我舅氏之慈愛性成神明迴異人謂得天獨厚楊遵
彥之謹慎有加我謂積善貽謀邱靈鞠之留遺不淺尤
可異者昔當狐鳴原野豕突名區起自粵西延及吳會
舅氏脫身郡郭泛宅甬東泊餓隸之肅清乃寓公之遄
返方沿遠島陡長驚濤巨浪擊撞所不沒者三版中流
搶攘空懸賞於一壺海果無邊來偏滾滾舟眞不繫去
欲飄飄旋看風轉於神鳥遂慶瀾安而返鷁此非沈滯
於眇羅之外凝和於寂波之表而能致此乎我鶴船表
第訓守趨庭才堪用世哦松比潔製錦程能叨薦剡之
登賢將策名而入

觀棠階有蔭

芝誥增輝舅氏每一寓書輒申垂誠謂當遠澄清識近吐赤誠使閭閻默體夫金心蒲鞭不試堂構無慚於玉汝椿樹長榮此則念念慈祥傳家弗替殷殷淬厲與物爲春者矣以己卯初冬爲古稀華旦馬遲枚速均灑墨而陳詞仲海季江並分行而肅客霖溥旣忝清門宅相復與令子同官路隔躋堂詩賡介壽計嶺梅之應候周甲才輪值驛柳之及時先庚爲祝不工側豔祇述徽音約舉生平宏宣祖德敢自私其瓦奏彌色舞於觴飛他年亥字頻書共喜圓成仙久此日壬林潔養羣欣禪善

蘇龔駢文錄卷四

三

天長

李樹堂觀察七十壽序

代

夫使齡希盤右徒徵三五之儀錄著長生共詡八千之紀及至窮搜慧業無補丹青高論靈光難登金石則組泥遠引空傳風俗之諛詞雲笈深探漫采梵天之苦行蓋德不懋者雖龐眉健甚而祇爲僉福之庸名不顯者卽圓魄常盈而莫數公忠之雅而欲六祈年祝利協承貞九命服官行逾高爵可以爲儒林所矜式而不致宦海之涪湛者其惟我樹堂李公平公以河嶽之英生旄車之族舊居江夏本是黃童占籍畿疆常依赤緊讀書

若觀月珥筆如運斤當老泉發憤之年已離席帽值李
異化鱗之日歡舞萊衣倘使竟上強臺直張蕊榜則靈
犀獨照徧探石室之奇鴻寶親窺不數神珠之握而乃
文昌憎命銓部掄才待次之江見知大府宣平出宰古
鄧量移種花盈甯紹之鄉握節守會稽之郡於斯時也
吏畏夏日民愛春風薛宣進退自如如有白黑分明之目
黃霸耕桑首務無米鹽靡密之嫌只知官事勤能公才
洽望何暇勳階比擬顯秩酬庸乃薦剡之頻登晉監司
而益勵頭銜有耀本厓鹽筴之儲

寵命旋膺預卜蕃宣之兆人第見厚德載福九萬里風

蘇龔駢文錄卷四

三

順扶搖而不知濡迹匡時三十年功深積累蓋公每莅
一任必得民心每就一差勤思利濟力行保甲屢戢刁
風息爭訟以挽頽波清積案以敦安土建文峰之塔土
盡登龍築西江之塘民其有豸是以左恪靖伯少許可
而於公深契樸誠馬端敏公愛才能而於公尤稱篤摯
也然而懷柔備至知民者豈盡知兵仰澤雖殷處常者
或難處變當滬上鯨鏗之際正甬東鶴警之秋虺毒潛
吹狐鳴響應公身非楊僕坐召千夫勇等宜僚可當五
百練李抱眞之衆軍籍日增除臯甫文之奸罪人斯得
是時道多伏莽兵懷異心間謀隱肆其豺豸窺伺徧環

夫雉堞使非忠衿勵衆清尙服人而能刁斗不驚金湯
永固乎雖然公之從政人盡知之公之盡倫人誰及之
自來德重天親誼敦同產而公當舞依膝下備竭孺衷
樂奏房中都成瑞氣良聞鄉里連枝適遇夫白眉句重
池塘揆藻每賡夫春草等推果同衾之致肫摯羣傳慕
廉泉讓水之風歡愉曲盡隱承慈命不隔分形謀卜式
之功名牀貽象笏愛謝元之俊爽羅佩香囊凡茲致力
於綱常宜慶比齡於旗翼時逢春小算紀古稀燦蓉菊
之齊開溯蓬弧之誕降同時僚掾式歌衛武之筵舊日
商民來進狄公之酒宦興則湖塞蕪菜心迹常清里居

蘇盦駢文錄卷四

古

而溪憶蘋花仙踪尤近台子筱岑司馬權鹽海溼進秩
雷封喜治譜之親承得寢門之就養孫枝莠茁皆爲玉
樹之花甥館才高能佐黃堂之治公且胸胸如畏抑抑
自謙辭綏山之桃卻屏風之錦斯懌等詞非修禊事采
臧嘉忝在屬僚每聞緒論或念先民舊德隨班幸列年
家或與哲嗣同官垂帶親書行誼爰述恩光之所自並
欽內美之無遺晚節彌芳不作鋪張之語福旱度世長
徵豐鑠之祥

綠營公祝譚文卿中丞六十壽序

代

自昔祥開蒼籙祚卞雒而啟魚鈴瑞展赤圖佐平陽而

斟雉鼎蓋當慶集珍符之際必有挺生魁傑之材福祿
用綏樂只以頌君子股肱斯託欽哉以詔賢臣望若神
仙稱於前古若至名馳科第功懋臺圻建議而上契
宸聰圖治而下孚民望居八座之貴而樸儉不異儒生
措四境之安凡布置有如宿將氣似秋霜之肅及旁求
俊乂嘗欲然其若虛兒如夏日之威至倦念故交輒殷
然其無盡良以膏葉茂於根本土厚則物產自榮華脈
滋於淵泉水深則波瀾必壯如我大中丞文卿尙書宜
其神明鞏固竺厚康強矣公承忠厚之遺服義方之素
名高三舍學邁一轡見賞龍門旋題雁塔筵開紅杏與
高會於羣仙燭撤金蓮窺異書於中秘擢居烏府風動
百僚束以多冠雷驚三輔察正供於
天庾金節持平協庶政於京畿銅街呵殿錦心繡出
殊才邀

蘇盒駢文錄卷四

五

賜綺之榮玉尺傳來臚唱頌傳珠之貴文人遭際當代
稱之及夫一麾出守六察兼權陳臬大梁獄獄比韓陵
之雋開藩馮翊峩峩若太華之高

天子忍求賢良之遲也故任寄維屏而旋授專征之鉞
又念甌越之重也故治隆關內而復馳兩浙之輶

召對九重蓮漏逾於六刻服官十載棠舍倏其五遷人

謂際會獨隆御風若鴻毛之順不知昌言有自籥雲猶
驄馬之餘也今夫植基不固者不足以致綏靖之功也
獲上不深者不足以盡開濟之具也昔當

穆廟初元

先皇在位有

主少國疑之懼值籌邊弭寇之時公應

詔直陳當機能決焚草在神羊之府朝士心傾鳴珂叶
鳳鳥之聲聞者色舞百辟仰其丰采

兩宮契其肫誠迨其後洊進封置因時入

覲欣逢前席慰問生靈每至

蘇龔駢文錄卷四

六

撤簾詳稽治譜正不特事平關隴頭銜耀極品之華苗
格敦煌翠羽增彈冠之慶金章紫綬秩總五兵
玉軸黃封贈兼三代爲足紀

朝廷之異數發旌節之奇祥已是以公久任關中得行
己志見邊患之未已念庫藏之空虛重農桑修堡砦廣
採買立義倉禁游民游勇而彌嚴勸振米振銀而益力
大災能禦公帑無煩園法重稽鈔版遂停於六府屢豐
有兆耕餘早蓄夫九年濟秧馬之駟馳渠通鄭白創桑
蠶之條教綢號譚公蓋遇轉餽頻繁則擘畫多方不苦
汎舟之役而當災禔稠疊則綢繆先事不貽掘井之譏

國家之福也臣心之瘁也迨夫障乘東海重到西湖似
隔歲之春風更勞嘯拂戴中天之明月復慶團圓前部
霜清歡聲雷動公謂慎獄所以全法雖囹圄亦寓生機
察吏所以安民惟牧令宜求實事農苦催科之擾蠹政
在所必除關多夫里之征蠶食在所必禁蓋公昔嘗守
郡早握形方慨瘡痍未復之艱抒痼癥在抱之志有害
必去有利必興迄於今雖事隔十餘年而目如一轉瞬
倘循行於弗替祇勞補綴之功其振刷之未遑立奏敷
施之效視庶事若指掌見民情於肺肝譬若治絲端緒
清而琴皆理有同鼓瑟雅頌調而音自諧已且夫青雲

蘇盦駢文錄卷四

七

近日易變金霞白璧出山恒裝錦幘凡居高貴每染繁
華公直竝史魚而儉侔晏子無多老圃家猶負郭之田
乍解豐貂身僅浣衣之御或疑展禽之介不爲徐邈之
通及觀夫任恤睦嫻纏綿悱惻絕夤緣之路暗中自賞
眞才念朋輩之情歷久不遺故舊成全寒賸慨然指子
敬之困惠顧鄉閭不徒載翳桑之食設舊交之位馬援
如見於生前扶繼起之賢君寶敢輕夫先輩甚且雕鐫
石墨刊布遺文存通才一息之眞慰作者千秋之想凡
茲穆行衆口交推澄以清襟義心益遠矣然而公忠夙
著不能苛責以武功幹濟多資豈必兼長夫兵事某等

心雄武庫身在行間亦嘗指畫陣圖較量形勢然且戰場慣歷忽如五色之迷操刺程能莫喻九關之險竊見公欽承

諭旨籌及海防周行島嶼之間增減礮臺之制綠營入選練九上九下之兵赤幟分行歸三遂三郊之伍廣招勁旅五百人營制復新整飭水軍數千里犄角相應不張皇而機宜悉協一樽節而經費裕如置戊己以運籌帷幄間恃有元老增庚戌之士斷介胄者驚若神人信乎奠再造之元黃惟令公堪稱壽考作四朝之柱石非潞國莫配耆英也茲逢三月之良時適屆六旬之華旦

蘇盦駢文錄卷四

大

裴公俊爽風骨本異常流高允聰強陰德豈慚厚報某等飫聞軼事深佩沈幾或近侍節樓訐謨親受或遠羈斥堠批笞遙承每欽識量之崇宏胥出精神之純固爲魯侯頌燕喜碧釀方醲爲趙武進徽言黎收肅拜頒延齡之玉券怡逢宸翰擣霞

錫純嘏以金甌長祝台星耀彩

譚文卿尙書六十壽序代

國家福祚之隆

皇天眷佑之厚必爲之降祥川嶽毓秀魁奇毗代作楨

爲民造福在詞林則調羹呵視居諫垣則焚草鳴珂其
敷厯屏藩則僚友欽爲圭臬其宣勞中外則朝野誦其
忠貞璣鏡乾坤五百之昌期適協沐浴日月八千之紀
算同光蓋值樹元含曜之

清時而有陳揆迎延之碩彥較之受軒廷之金法力牧
應占證燧矩於蒼牙因提叶瑞雖亦元模之廣運猶無
偉績之可徵若至大業觥觥盛名鼎鼎良法美意耳聞
者已極佩絃佩韋之思恩煦信孚身受者尤深公望公
才之慕以茲載德彌益考祥其惟我大中丞文卿譚公
斯真矩矱臣鄰撐持柱石者乎公幼稱夙慧生有殊姿

蘇盦駢文錄卷四

九

比任昉之懷鈴感李嶠之夢筆識者推爲國器同儕號
曰通才鬢序初聲鸚鵡鏗鏘之賦賢書乍獻鹿鳴淹雅
之詩張墨榜以題羶雁王塔聳陵玉清而視草鼇禁班
森小聚蘭臺三院懷其鐵面大開椒口

兩宮鑒其赤心

獎骨鯁之臣謂堪台輔重喉舌之職徧厯清階金節均
輸興平倉飛芻露積繡衣執法輦轂下宿莠雷驚分校
閱於春官得士盡掄魁之選典荆襄之秋試儲才成奪
錦之英宜乎大考擢華親拜

天家之文綺 史宬著績特邀

御筆於屏風已初建隼旗便知名郡增榮犀帶復代監
司民懷召父之恩吏仰憲臣之度敬陳時臬美決事於
中州大邦維屏頌來旬於分陝擁門旂而尊節度近啟
蜺旌進都府而上封章輒承

鳳諾藩侯入

覲對揚親履夫星辰

宸翰頻頒

福壽欣霑夫雨露羽儀翠繞序天山底定之勳寶石紅
凝奏關隴救平之效傳智名於元凱
清問彌詳頌仁恕於叔倫衆情自協

蘇龔駢文錄卷四

三

君恩日厚固任賢而弗疑臣志常惺亦獨立而不懼方
公之開府關中也轉餉正殷籌邊甚亟瘡痍未復庫藏
尠儲公謂必先藏富於民而後可有備無患於是濬鄭
白渠以收水利設棉桑局以廣女紅官鈔有礙泉刀則
清庫支以全圓法積穀有裨郡縣則乘歲稔而實倉儲
百廢具興兆民欣戴旋值丑寅之祲疊聞庚癸之呼乃
晉豫之交饑發帑漕而始濟而公徙薪及早徹土先籌
不擾民捐未煩部款創爲先事之策六臨事之策七農
桑望若以時興修耆舊賢能徧加咨訪申游手好閒之
明禁置閉糶強糴於重刑律有所窮通之以意政有所

闕濟之以仁昔之人雖汲黯開倉陶公用法將今擬古
蔑以加茲今夫嘉話流傳誦與人而彌覺深情之若揭
及身親炙編治譜而益欣前事之可師某等或浙水備
員或會垣待次竊見公下車伊始攬轡澄清頒牧令之
書馴雉則聞而思奮稽吏胥之籍奸蠹則畏而自韜訟
庭之生意長留戴盆盡洗閭井之苛征是憫懸磬何嗟
裁無益之緡輶驛路寬而商情大悅慎取資於泉府權
稅裕而兵食常充人謂鵠鏡逾明千里外之容光畢照
不知虎符舊綰十年前之閱歷良深蓋公當一麾出守
之時正兩浙初平之日方紅羊之歷劫感黃鳥而成吟

蘇龔駢文錄卷四

五

通德類情慰子遺之士女崇論宏議挽積習於科場其
於有司之困積疲猾吏之工侵匿庶獄之苦牽累釐務
之病浮支固已捷若轉圜洞如觀火施諸行事攸往咸
宜公就分所當爲者矢實心而絕無瞻顧而於力有未
逮者瘖予口而極盡敷陳至是節鉞重臨斧柯在握凡
爲默化潛移之舉皆由得心應手而來秋駕絕塵不外
輕車之熟蜀琴在御豈惟操縵之勞惟其成物也多斯
其成己也大惟其立功愈久斯其立德愈隆也尤可異
者公於衙叅才罷便覽政書

聖訓遙承親籌兵事胸儲武庫平時非經濟不談身卽

文臣

異數受干城之寄周巡洋面直遏濤頭水艦縱橫有棊布星羅之概礮臺建置合據險扼要之機練兵選自綠營汰弱頓成勁旅楚軍舉其赤幟分曹遂變檄章沿海之區莫先鎮定畫衣而勢已瞭然登陴之勇無過台湘橫槊而籌之熟矣用能不動聲色不事鋪張決大計於崇朝展壯猷於元老遂已網羅綦密攻守兼資我旣可自固藩籬人豈得窺其畔岸竭誠締造

朝廷紓南顧之憂默奏膚公邊塞杜西陲之警此非公手調玉燭力挽銀河而能若是乎兩浙行鹽江南兼轄近若羽鳩之失歲遂致禺筭之乖方蓋地少富商則心膂之資莫濟權歸鄰省則指臂之使不靈加以山可納汗游販衆而梟鳴皆應海雖出素舊竈湮而雁戶興嗟公久恤其艱勤思其獎謂引地在所必顧兼籌場壩漸多復業之民晒板在所必除善撫岱餘使享歸農之樂駛艤幢於江海廣塞漏卮固門戶於蘇常深懲覆轍潔如飛雪雙清之朗抱咸知明似洗金四野之浮言不惑以是知公之幹濟有持之以貞者焉公之猷爲有立之於豫者焉說者謂鹽筴之行與塘工相輔鹽能旺產則沙岸鞏堅塘不豫防則隄封汕刷此在需材之亟尤資

核料之詳公昔兵備嘉湖目窮龜赭壘石編魚鱗之密
固並金城排楛等馬齒之齊屹如鐵塹茲更力籌全局
手總大綱櫛比程工旣杜虛糜之弊焚防計日皆徵實
際之歸勇大類於射潮豈煩挽弩事有殊於壅水何待
囊沙區算功深沮如患息焦勞中夜萬全縈已溺之思
委任多材百室獲安瀾之福良圖弗替流澤孔長至於
儉守儒風耳鳴陰德無華屋腴田之奉有義漿仁粟之
施念行誼於故人周其眷屬跂風流於先達閔及遺孤
繾綣平生爲刻叢殘之稿成全後進時分篋衍之金在
人爲穆行之難幾在公爲名臣之餘事也已茲慶懸弧

蘇龔駢文錄卷四

三

於周甲適逢姑洗之良辰披一品之仙衣尙書秩貴陳
三朝之寵賚方叔功高某等得隸駢幃欣依鈴閣佩何
邵之識知經國自有體儀習侯霸之文在當代奉爲法
度每念臺星之拱照胥關

景祚之昌明鶴貌逾清長被

君王之渥澤鵷行共肅實爲臣子之楷模敢效切言不
媚之忱同申純嘏爾常之祝衛武宣抑戒之旨壽及九
旬召公矢卷阿之音年過百歲此固爲

聖主得人之慶而尤爲耆英叶輔之徵矣

蘇龔駢文錄卷四終

蘇盦駢文錄卷五

婁 楊葆光 古醞

壽序

俞蔭甫學使暨配姚淑人五十初度序

代

天子御極之八年六月三日紫芝應節瑞竹懷新帔紫拂於生羅簟鋪陳於秋玉席圍邗上會數傳花殿近蓬萊貺承賜橘綵縷繫紅綾之扇香藤連碧筩之杯曲譜荔枝樂獻梨園小部寶垂瓔珞佛名金粟如來蓋爲我婣家蔭甫俞君德配姚淑人之誕日也時則衆賓雜選百禮紛綸粉雉脂田刈瑯琊之稻加邊庭實餐度索之桃四姓名門捧到丹沙十斛五陵甲族饋來芍醬千瓶新息之珠銜從月姊扶風之錦織自天孫淑人固卻而未許也哲嗣廉石昆季謁諸賓而請曰家君引退久事恬愉母氏劬勞相承道素在昔厯官清要銜命皇華猶且垂釣怡情類杜京產之介挽車自樂有桓少君之風況乎紫綬金章鐘鼎之華久隔丹山碧水煙霞之癖已深牛酒毋將鶴綾用卻展新詞以述德是所望於羣公乃釗以爲鵲巢之德諸侯之風也騶虞之應夫人之福也將今擬古如夏思春我通議君幼而徇齊世傳儒雅貂蟬映日早掄東觀之英鸞鳳翔風遂備西

園之選泊乎文衡手掌造士功多配享先儒奏定孟皮
之從祀追思遺愛不忘子產之有詞補道學之闕文爲

繼述之盛事尊公嘗有以孟皮子產從祀至聖廟堂之議未竟其志君於督豫學日奏請部

議報迨至塵視軒冕靜寄平泉說經鏗鏗許叔重傳人

弗替抱德藹藹王伯厚困學毋忘葢當兵燹之頻遭猶
握丹鉛而不輟淑人以媯泐之舊德慕梁孟之高蹤妝

閣餘閒分鯉庭之課朝衫卸後伴豹隱之吟節儉宅心

澹泊明志宜其情怡古趣意薄時榮北堂觀政於伯兄
郝夫人年登九十東山策功於兒輩謝車騎默受指麾

凡此洪庥俱堪上壽乃釗潘楊世戚孔李通家心挹清

蘇盦駢文錄卷五

二

芬耳鳴陰德龕陳梗槩以答令子之求廣布聲詩願在
羣賢之後

吳母華太宜人六袞壽暨令子梅心明經四十
初度序

昔者門高晉代郝夫人獨擅神明傳記楚賢老萊子不

忘孺慕分璇源之正派萬斛醴泉衍玉葉之靈根千行
瓊樹稽嘉言於往哲集景福於上流而欲牛酒紛馳春

夏間承筐相接鴻篇遠賚江浙士珥筆爭前現臺閣於

西河方披寶籙開尊疊於北海更獻桑弧如我吳老伯
母華太宜人暨令子梅心仁弟之頌晉延齡鳩扶正健

年逢強仕鳳吐承歡自古罕聞於今爲烈辱在舊誼敢
不昌言蓋我太宜人武陵名門南齊德裔體中和之氣
幼已號爲女師秉淑慎之姿長不煩乎姆教適延陵之
右族循師氏之良箴逮事重闈含章七德瑱環不御北
宮雅善養親錡釜維修南國遂廢尸祭職組紉則中宵
不輟協瑟琴而執禮益恭贈公若癡先生積痺成錮雜
感攫心雖塵燕翼之貽謀已慨鵲醫之難治太宜人旣
供滌髓更潔刀圭內則奉姑不憚婦工之瘁少儀訓子
因分父教之嚴雖當匱乏之時而甘旨不敢稍缺卽處
膏腴之境而自奉未嘗或豐迨贈公玉樓赴召之年正

蘇龔駢文錄卷五

三

吳中金革方興之際猿亡倉卒螳鬪縱橫太宜人大事
疊膺小心順變卜窳窳以安靈爽禮不廢於流離分簞
壺以瞻親鄰恩徧孚於戚郃是以滿門擘息厯劫災年
醫卽得心人爭代匱孤村岌岌幸聞老屋之存諸子翩
翩盡是鬻門之秀洵慶由於善積亦福本於儉生我梅
心大弟志潔循陔才雄陷陣髫年勸學者宿見之而傾
襟綺歲論文小儒聞之而咋舌敦悅道訓周覽古今問
絳縣之高年亥書二首繹黃能之入寢西占大山旁及
二法六門覆舟卻月莫不餘波綺麗奧旨深通加以初
志沈潛英年慷慨溢氣盈涌飛辯淋漓猶且急人之危

容人之過待長者舉火仁粟盈倉爲故交禦寒締袍在
笥論者謂先型所自季札猶不乏傳人識者謂世德相
承仲郢固賴有賢母也至於葆光之測交也同時儕輩
雅重吳均總角才名便知楊炯停車問字驚座上之狂
言醜酒臨風角盃中之餘瀋葆光方殷勤好麗反側言
情竊比佳人託名衛玠嫁詞神女接跡曹唐梅心進止
乎禮義之箴援士先器識之論諺徵破舌道證齋心雖
金粉賁華不惜飛言之集香囊屢佩有同迷復之占而
慨慕冲襟親聞良藥將志之於簡策媿報之以瑤琚憶
當浙水遄歸粵氛甚惡室廬灰燼貨賄淪亡傷夏甫之

蘇龔駢文錄卷五

四

鑿坏悽涼袁母歎西華之曳縷想像彥昇梅心指魯肅
之困侑以四簋啟君雲之宅館以重堂病慰休文勸進
瓊麋之飯寒憐杜甫爲充羞澀之囊迨至寇患旣深全
家遠辟金銀氣盡珠玉槩空縱鼎餗之已非猶車裘之
與共葆光貧如飢鼠局不轅駒陋笑然糠每取給石崇
之蠟爨難吞紙或苛求韋陟之厨未免忘形貽譏知足
梅心獨相視而笑莫逆於心矢白頭之如新作青眼以
相對古之人時逢霖雨裏飯以活貧交趣適煙霞含菽
以資良友方斯高誼葢以加茲至若儒者知兵毀家紓
難開廩發粟質庫贏錢亟鳩眾以千夫卻豺豸之四起

當蟻聚蜂屯之眾毛出佩刀試龍跳虎臥之才手揮長
劍一身是膽眾志成城是時雖郡郭被危當湖不守軍
屯南浦浪駭濤驚賦誦北征執孤援絕卒賴摯持之力
漸成規復之圖冰署一條適表臣心之似水

雲章五色欽承

帝澤之如春則又吾黨之異聞書生之盛舉矣茲者層
城桃熟護室恒春淥水蓮時芸窗初度登堂拜母早傳
懿行於陶歐戴笠逢君舊託通家於孔李頌聞七族慶
集一門敢舉切人不媚之文遂揚壽考維祺之旨此日
詞修綰綽悉協瑤姬玉女之徵他時年過期頤盡成驥

蘇龔駢文錄卷五

五

子龍孫之瑞

趙霞峯姻家六十雙壽序

皇上親政之年葆光將觀經鴻都談詩虎觀臨岐繼繼
朋輩流連我姻家霞峯趙君銀鑑贈行金觴設餞先於
所往艤桂楫於曲阿不盡之情庇棠陰於僑寓是時君
年六十矣及葆光竭來都下修謁名卿今兵部侍郎殷
公吏部侍郎宋公一見羈人便詢召父琴臺著績傳花
縣之循聲露冕遙臨思梓鄉之流澤蓋二公皆君素識
也葆光於紀元之歲爲挾策之游傾蓋潤州如舊相識
維舟谷水堅訂後緣初爲束帛之招禮賢最切旋結女

蘿之好情話時諧雖歷十年有如一曰君之行誼心焉
數之當下車瀨水之時正決策金沙之際匪踪逼近驕
帥憑陵將阿順苟容則衽席之登安望欲獨立不懼則
鼓譟之眾紛來君波濤弗驚干櫓自衛寓撫綏於令甲
民慶更生勵勤慎於堂皇兵不敢擾神明遠到察慮旁
周卒之遵渚鴻多四郊安堵集林鴟革七策安邊當路
者知令尹之無他代戍者引前帥爲炯戒此其臨事之
鎮定也屢歷衝衢親行田野時丁兵燹之後習爲狃悍
之風害馬旣多雖察眉而莫挽池魚徧及問援手其誰
能君以爲拔薤何妨亂絲可斬稍存姑息羔豚且飾於

蘇盦駢文錄卷五

六

閭閻不事優容雀鼠方消其訟獄每清一牘婦孺懷恩
每莅一方豪強斂跡世良施制羣知郵罰之嚴秀實立
威遂化輶張之習此其爲政之明決也君當強仕之年
曾攝前京之宰維時扈耕富庶鶴俸贏餘賫使橐之充
盈將爲仁粟效均人之政令豈蓄家財而乃徧野狐鳴
游魂蠶起旂折不進弦孤莫張搏戰空拳致宦囊之如
洗承歡養志仍潔膳之不渝雖瘠地之借材酌廉泉而
安命苞苴悉屏吏胥絕其夤緣茹菟自甘士女聞而感
涕此其操守之峻潔也加以天懷最篤古處是敦體察
彝倫睦族均叨夏庇周旋患難受恩同抱春陽家無十

畝之營而寒素每賴以舉火官只一錢之選而親串時
感其饋糧繼配姻家母徐恭人蘋藻無訾藁砧有助昔
佐北堂之滌髓孝養不違時修南國之賓筵咄嗟立辦
或矜憐貧約親脫簪環或斟酌圓方分裁縉緒戚戚鄙欽
其淑問婢媪樂其寬仁此又君陰德之昭宣閨房之懿
美也今歲小春之月爲君攬揆之辰蓬抽矢而桑懸弧
精神愈健嶺放梅而岸舒柳時序方和堂前之鴛侶齊
眉膝下之雁行接翅僚掾黎收而拜士民躋獻而來葆
光以直隸方伯孫公之招小住薇垣遠睽綺席憶頻年
之賓榻有類分金數此日之瓊筵彌懷倚玉爰述測交
之雅以爲祝嘏之詞義不取諛事皆從實且擬於還京
之日質諸殷宋兩侍郎聞此嘉言必爲首肯也是爲序
同治十有二年秋九月

孫省齋方伯暨配章夫人六十雙壽序

皇上親政之二年三輔輯和四海蒙福吏有躋堂之樂
民傳擊壤之歌於是方伯省齋孫公奉

命旬宣蓋三年於茲矣歲華方新禊社大集披靈飛之
錄韻叶珩璜賡有道之篇榮齊黻佩當上元夜觀燈之
節正章夫人設帨之辰春日遲遲卿雲郁郁鵲巢之化
爲南國人民所思騶虞之歌因諸侯夫人而作而公旣

素安恬靜不喜鋪張夫人又夙抱臧嘉無煩頌禱公屬
吏毘陵汪良弼謂葆光曰以子恆心慕李比跡游梁昔
佐牙璋有類登樓之王粲今陪畫戟復爲入幕之卻生
耳熟徽音躬逢盛事而可無一言以志之乎蓋公自膺
拔萃之科卽稅長安之駕秋深萃野早欣跋浪於魚龍
春麗杏園便已分班於鵷鷺校秘書於天祿詩選十聯
館文學於瀛洲座登七寶奇搜雞次不污元規之塵直
近鸞坡盡發長恩之守然而縹緗雖富囊橐尠儲子
晉神仙豈腦滿腸肥之比傅元簪帶有責難陳善之風
冠竦神羊羽翮鳴鳳夫人則間關遠道往返都門婦德

蘇龔駢文錄卷五

八

無違姑恩有曲商量甘旨斫西淀之魚頭點綴琴尊博
北堂之燕笑清名所著良非偶然儉德之稱基於此矣
迨公浙江筮仕戎幕論功方拜
命於監司旋借籌於陳臬嶽嶽立身之品殷殷下士之
情圖治正勤以憂遽去其時粵逆鴟張吳潤豕突廬肥
逞厥梁跳肆其荼毒公感懷祿養旣恨海之難填蒿目
時艱悵故鄉之久陷遂乃一披墨經深入白波以孝勵
忠以勇將事張文毅公方總徽甯軍事倚爲心膂屬以
饗糈公芻糈預籌苞苴悉屏燭機宜若觀火吏不藏奸
數會計如列眉軍因宿飽葆光近隨奔奏親覲指麾雖

當猛將如雲謀士如雨而公睠懷寒峻獨盡虛衷磨盾淋漓倚枕以待草稿同舟容與停橈而論人材遐想當年恍如前日夫人當危城遠寄百口相從倉卒渡江大都鶴唳風聲之警干戈滿地盡屬狐鳴火構之場然且望楊柳於征人長圍未解走棘荆於前路後慮方滋履險不驚當機能斷卒之來歸赤烏無傷虎口之探報稱彤廷漸入羊城之境女牀雲護使者星明雖由

天眷之優隆實亦人謀之鎮靜也夫人生於望族家本素豐迨至于歸適逢中落而乃安之若素淡焉若忘彈鋏無魚客笑馮煖之歎伴琴有鶴人知趙抃之清內助

蘇盦駢文錄卷五

九

之賢女宗所尠厥後公屢持筴節並督鹺綱南歷龍鄉東臨象郡飲羅湖之水欲比西湖望廉石之山依然介石處脂膏而不潤矢始終不渝夫人重入亭途不忘浩劫筭珈雖備常紉澣濯之衣蔬果自甘不御珍奇之饌生平無疾言遽色婢媪銜恩博施多仁粟義漿孤寒誦德蓋公之歟歷中外確乎以操行表風裁而夫人善處閨闈粹然以慈祥佐盛德兩美必合三古爲難葆光從軍皖浙時嘗與公外舅質夫先生相遇於宣城道中修士見大夫禮賞心邱壑怡志煙霞昔已皤然今猶健在固知宣文絳幔本於韋逞之傳步障青綾實出謝公

之教醴泉芝草悉數根原櫛純鑑鑿皆堪矜式已今日
者藩垣任重 畿輔膏濃衣振股肱頌豐功於虎拜杖
扶靈壽景懿德於魚軒紀異數於

朝廷金臺建節兆餘慶於家弄玉樹聯枝亭近臨漪倚
檻則花開四照樓憑橫翠闌門而藻灑

九乾士民皆縮綽興歌僚掾盡黎收肅拜良弼班隨下
吏獲備馳驅心識清風能知崖畧以葆光追隨在昔獎
借素深矜契獨超切言不媚所願茗華疊碧刻成眉壽
之詩松柏長青永錫蒼生之福

孫母陳太夫人八十壽序

代

蘇盦駢文錄卷五

十

蓋聞符瑞彪蔚之世必有元澤汪濊之施積行累功之
家必有餘慶降祥之應古來王教修明內外順治登岡
阜而采卷耳遵汝水而伐條枚事雖出於莊姝聲可傳
於歌詠矧今

天子孝治彝倫攸敘

慈宮之訓頒示於海內

錫類之典遠徧於寰中羣策歡欣休徵翔洽遂有歸昌
縵采獻翠羽於鸞環華平被芬燦銀符於鶴仗如我稼
生方伯之母夫人陳太夫人者孝睦誦於里閭度量重
於戚郇詞翰軼乎百代純祺萃於一門鬱爲壽林請揚

懿嫩夫寒門白望族不大則枝葉不蕃穠李蔡桃根不厚則本支易撥自來儀修鍾郝氏美金張賦形固在於得天植幹尤資乎託地太夫人兆奇京邸屬派太邱風吹少女之花自然名貴門壓烏衣之巷累代清華旣鍾息土之奧區尤抱璇閨之令質迨歸我封公先生其時堂上重闈猶健在也太夫人助率以敬參和爲仁學嬰兒之養親助季女之潔祭和妯娌以德量御臧獲以寬平春滿青廬豈必受小郎之託教成形管早兆於新婦之賢惟秉性之肫誠斯內行其周摯已太夫人生長富貴枕莊縹緗雖嘗從事於宦游非必親操夫家政

蘇龔駢文錄卷五

七

迨至香纓手戴玉佩音和凡夫組紉紛綸米鹽陵雜概散修蠶之器湯液醺灑之儲莫不先事豫籌屆時竝舉潔滌髓於內寢善得歡心急刀尺於寒閨慮分苦志調成餅餌供外塾之盤殮典盡釵環憫客途之裘敝有許武分財之雅無取豐資慰樂羊積學之心常勞遠饋是以封公蜚英鬢序騰茂賢書偕計吏於都門策奇才於史館每歌遵路屢檢行裝縱無生產之謀未慮單寒之困卽至谷永餘責方分利之是霑張博負人欲取償而未得亦賴太夫人年時節儉日久清釐取予之間纖毫無憾加以秉姿亮直著德恢宏善米滋培性禾蕃碩謂

恩仇報復無非局量之卑貧富較量尤屬性天之薄鳴
鳩平一鳥烏慈仁起自閨門達於里巷餘恩遠逮穆行
流傳阿買生孫感承祧之有自侍兒得所豈往愬之輕
逢迄今武功爵高猶望車前而拜中郎將貴眞成竈下
之兒凡盛德所燦垂爲

熙朝之嘉話當夫兗州就養珂里遭兵避夜擾之狐鳴
車馳千里待晨炊而鶴望屋滿兩頭太夫人目覩顛連
心塵碩畫使履屐亦得其任必教勉盡所長雖竹木不
棄其材俾免虛糜之愧珠給饗殮而弗惜族誼愈隆金
非暮夜而亦辭官箴必肅其持己之廉旣如彼其處人

蘇盦駢文錄卷五

三

之厚又若此非動靜有法其孰能與於斯昔者汲長孺
振河內之災逕頒倉粟楊雍伯竭坂頭之水共號義漿
全交指子敬之困解餓煮黔敖之粥博施以濟自右爲
難陰德所昭於今爲烈若其在閨房之秀豈必隆慷慨
之名迺太夫人廣結勝緣徧嘘寒谷惟日不足見善必
先挾臬纊於嚴冬劑湯藥於盛夏監河粟貸遂多輦轂
之醉人說餅舟空大拯焦巢之水患於鄉里則遇貧困
鬻女者在山左則待餉需濟師者率皆解髻傳珠抽衣
授寶卒使延平劍返仍聯掌上之珍螯弧旗登復振軍
中之鼓比當水旱薦至晉豫奇荒屢減膳資分籌鉅款

蓋寬厚其素性施予其本懷處貧約則節食裁衣積纖
微以補不足值豐盈則傾筐倒篋盡心力以充有餘此
在賢豪亦稱僮事況由巾幗迴出恒蹊矣太夫人敷藻
性成摛華自麗四齡授讀詩辨盛初早歲工吟文兼漢
魏值道咸之鼎盛更倫憲之才多詠絮則雪和謝家詞
傳黃絹賦茗則香分鮑氏格寫烏絲迨其後畫舫從游
板輿養志揚舲桃葉之渡弭節桂林之巔城過菟裘攷
遺聞於盲左江沿螺女證軼事於搜神清風登爾雅之
臺明月照詒經之舍亦復憑車作几倚艦抽毫卽事成
篇臨流寫感或寄懷舊侶借杼結轡之情或寓目游鱗

蘇龔駢文錄卷五

三

補作放生之記此燕軒八卷宮商傳播於雲賤而頤園
一椽士女欽瞻其煙墨也至若旁通素問博覽羣書水
火闡六法之微嶽瀆悟九方之旨屬諸末學已誇涉獵
之多奇式在女宗僅等藝林之餘事已特是椒花獻頌
祇傳藻麗之詞茗玉微奇亦出繁華之末升座而講老
子無異清談中路而賦歸征徒增雜慨一旦艱難卒邁
變故疊乘縱使誦諳秋水之篇書工大雅之帖抄有不
當熊膽讐吹虺心驚者昔在木虎之年正造紅羊之劫
太夫人當機鎮定處變從容宓厲豺豸戢以銀刀之隊
孤懸雉堞嚴以鐵柱之關惟涉險乃以自全不先去以

爲民望迨居京國適煽蠻氛燒當將相載而歸土著且棄城而走而乃矢我心之匪石回衆口之鑠金謂

皇都爲首善之區豈跬步作偷安之想後知西山寄迹俱櫻餓隸之絳始歎紗幔先機早燭俚獠之志是非讀書有得訓誡不謬而能若是乎今夫魯侯燕喜令妻壽母閔宮之所美也大夫不均從事獨賢北山之所思也古之人明發有懷征夫邇止往往行道感依依之柳懷歸念翩翩之雛將母不遑昔賢同慨而我稼生方伯幼而愴定長更明通五齡誦古文六歲摘名句方就范滂之拔萃旋聞韋肇之登科出使重洋十萬里風濤脫險

蘇龔駢文錄卷五

十四

揭來海國十一邦琛賚歸誠肅肅驄馬之行策名臺諫稜稜繡豸之采宣化荆宜類皆近侍萊顏遠循荻誨至於今觀風察俗振領提綱每當拔一人材潔膳有加餐之喜平一庶獄後堂增動色之歡以夔臬事業之隆當雞黍鄉閭之奉人謂

國恩稠疊名臣之食報宜然我欽母教寬仁令子之遭時獨厚茲者春逢杏麗算紀椿年綠鬢當筵白眉繞膝四世之孫曾玉立五花之冠服珠聯雋母活人郡縣頌平反之惠崔邠親導公卿皆避道而行某等時從寮宋之班旣聽柔嘉之則誼均猶子欣瞻寶婺早明躬值誕

辰替熱旃檀香馥捧

九重之綸綍盡現祥雲排三竺之松篁都成瑞氣投壺
欲笑鶴籌慶王母之添

賜綺增榮

鷁殿廣夫人之化敢共獻其匏宣瓦奏罄形容於墨舞
筆歌此時曲譜房中徧效躋堂於兩浙他日書頌女憲
更邀

旌壽於百齡

跋

知交投贈詩詞冊跋

蘇龔駢文錄卷五

五

夫銅山之鐘氣類相應火齊之鏡形影同聲是以未至
柯亭蔡笛絕響不辨流水牙琴莫張隨珠千金非其地
則魚目混之矣和璧徑尺非其人則鼠璞嗤之矣果心
契乎苔岑斯禮先於縞紵葆光髫齡失學弱冠測交遠
媿半千之孫升堂問難近慕無雙之士傾蓋流連或老
輩開尊屬新詞於小友或同儕刻燭飛險韻於狂生流
詠叶管絃抗吟出金石歌傳白雪無非先正之典型句
賞曉風半屬詞人之少作迨至攜硯幕下懷刺浙中身
類蠹官與噲等爲伍心賞妙理爲竹林之遊亦復素波
秋澄芳樹春香車塵乍洗便聞酬唱之聲手版初裁已

滿縱橫之字借湖山之勝槩共寫蒼涼洗箏琶之俗音
獨標清韻風塵之樂賢者猶難已未幾而短後衣空長
櫬旱起弔古子陵臺畔懷人謝朓樓頭辛苦賊中訪杜
陵之野老倉皇故里卜江左之夷吾搔首問天大都暴
斂驕兵之歎子身辟地不少傷時感事之篇泊妖讖之
漸平始變徵之稍革然而小人有母負米不遑遊子思
家賃春久滯中遭喪亂深自抑貶只期雞彘畜二五而
能供豈謂鯤鵬尙九萬之可奮而當世作者猶復相期
遠大過盼騰驤非謂嚴樂之筆能精卽云龔黃之政可
致互相砥礪託於詩歌古者相國愛才屢揜香山之卷

蘇龔駢文錄卷五

六

閨人重貌罷吟羅隱之詩文士相輕由來通病眞賞所
寄自昔已艱僕何人斯緣非淺矣所惜篇章雖富兵燹
曾經料檢叢殘半多燬失加以顏瓢屢空絕無編次之
閒墨突頻移更尠標題之暇今年夏航海入都求應京
兆試不得直隸孫省齋方伯聞而惻之招以弓旌繼以
粟肉不哦松樹許傍紫薇坐近書城居多暇日始出所
度投贈倡和諸作次其歲月畧敘生平付之裝池珍之
行篋質諸當代耀篇篇珠玉之華傳之後人結世世子
孫之好同治癸酉

皇上親政之年冬十月婁楊葆光謹識於直隸藩署之

雙藤花室

題夏道生印存

科斗既歇冊簡非古羸顛鐳蹶印在故府自元迄明石
剗花乳

昭代多才探原响嶼浙西六家閑閑步武趙次錢叔後

起高與漢伍夏君道生弱冠刻苦貞金樂石重規累架

追迹斯冰恣情鐘鼓如劍斷蛟如箭沒羽能勤有繼惟

力是努後有作者請昧斯譜

擬文

擬重建聖因寺上梁文

蘇龔駢文錄卷五

七

伏以天花繚繞講經徵菌壁之祥寶地輝煌結社啟珠
林之瑞闡緣覺三乘而演法合山河兩戒以庇材實爲
那竭之仁祠豈等岍嶺於夏屋蓋自法王東度象教愈
昌

世廟南巡嘉名肇錫凡泉磴山房之潔盡出

奎章卽澄觀攬勝之題胥由

天語懸想

辰居之壯麗非同甲第之尋常

詔許安禪場開選佛屬紅羊劫起紺宇陸沈宣樹災生
非關講武靈光造久思復伽藍羣結想於祇園乃重興

夫土木雪宮削素雲殿塗丹雘闌列砌之間八窗結綠
暮鼓晨鐘之地十笏鋪金如歷西方光耀庵羅之樹恍
游南海甘分功德之泉章敬禪扃神輝自燭佛國精舍
妙蹟猶存試擊玉宇於掌中立現銀橋於杖下丹臺碧
洞休認作縹渺仙都寶鐸金盤適湧出莊嚴世界爰聽
繞梁之韻演成題柱之文

東無恙龍宮在水中紫氣朝來湖上罩蓮龕處處引祥
風

南丹青耀日現精藍薰風吹動娑羅樹法界清涼護鉢
曇

蘇龔駢文錄卷五

六

西錦帶橋長接彩霓嵐翠濃圍仙仗動柳陰深處有招
提

北翻空獅象騰金飾南高峯與北高峯前後蓮臺山一
色

上雲際天人相眺望不須兜率羨仙山祥雲無數圍龍
藏

下門外西湖濃碧瀉閒雲孤鶴錫初飛從此香花安廣
廈

伏願上梁之後常有雲霞擁護不爲風雨飄搖法鼓雖
沈復振諸天之響梵蓮將落重開頃刻之花大宰官身

盡是叢林之護法諸善男子廣尋靈鷲之勝緣上祈國祚之綿長

恩波愈遠下祝法輪之常轉大會無遮善禱是符上方永利

恭擬

大行慈安端裕康慶昭和莊敬皇太后哀策文

集謝朓哀辭句

惟光緒七年三月十日

大行慈安皇太后崩

皇帝下哀痛之詔宣告四方中外大小臣工各縞素舉哀禮也慈纏雲陞化自公宮創保大於登庸藉九萬而

蘇龔駢文錄卷五

九

輟舉陳象設於園寢懷蜃術而延首咸以爲無名以化撫事成箴旋詔左言虔思寶締其辭曰

肅穆嬪風誕茲明淑帝體靈柯神襟蘭郁仰則前王無

繫車服軒曜懷光徽音允穆齊明日月敬順天人風行

草化心往如神因時以暢厚下曰仁累德稱睿減采上

春貽厥遠圖十亂斯俟於佐求賢正位恭己率禮衡門

旣肅簪珥敬始絃絃光華沼沚亦旣負辰身嗣昌暉聖

烈方遠契闕未幾龍旒徐轉元鳥歸飛榮曜中谷筵卷

六衣嘉言足題陳詩陳詠清漢表靈翠蕤掩映早棄萬

邦帝遷明命慈訓早違方春委盛嗚呼哀哉天保旣定

答宣女師俯詢百辟合信四時璋瓚奚獻龜筮告期美
善斯畢嗣德方哀嗚呼哀哉三善有聲四教罔忒悲動
外姻光昭令德允極鴻名遠被南國中景遽傾負荷非
克嗚呼哀哉閔子不祐重維國綱音塵如昨先德韜光
輜翟按轡東旭又涼享也虛薦鬱彼崇芒嗚呼哀哉望
燭齊神臨祧弛盛馮相告稜層沙膺慶厭世在天清暉
可映迸淚失聲德倬高行嗚呼哀哉

祭文

祭顧揚階封公文

於戲九京歎逝哲人思東粵之良五噫成歌過客下西

蘇龔駢文錄卷五

三

州之淚加以耳鳴陰德閭里同傷心契清風士民遠感
此固顏含毫臺非關卜筮之神公業園林大戚嘉賓之
會者矣恭維揚階封公幼而岐嶷長更徇齊當蘭成射
策之年誦江總修心之賦強臺未上意薄軒朱子舍親
承笙歌潔白旣而椿菱忽萎哀毀逾情戚懿爲之改容
鄉邨於以觀禮誠兼孝友愛篤弟晷就嘉祐於沂州傳
舍喜荆枝之暖佐河陽爲花縣士林慶連茹之登旋修
絳帳之儀遂攝香山之篆菁我化士不負聖賢苜蓿供
盤依然儒素侯芭從學皆譚元吐鳳之才王儉風流有
散髻斜簪之樂迄於解組愛甚持鞞而且抱德煬蘇小

心精潔慕義者雲集待炊者鶴望築文翁之石室不廢
弦誦捨大宅於道南能安賓客力襄荒政楊雍伯常作
義漿遠葺孤墳張公藝勤思宗誼善無不舉美不勝書
而猶不足爲封公異也我

宣宗成皇帝升遐之歲粵西不靖寇患方滋土賊蠡屯
戍兵蝟縮蓋以海內享承平者久講武備者疎民不
知兵賊因以逞封公以書生慷慨爲鄉里指揮創議團
防善守充國屯田之政保全桑梓非冀班超投筆之功
屢禦賊鋒益堅眾志封公之力也故里之福也今

皇上御極之三年賊執復張醜類響應潛吹虺毒佛鎮

蘇龔駢文錄卷五

三

先頽宓厲豺牙珂鄉逼近封公能使一鄉之內無閒謀
百里之內無脅從丁都護席上橫刀羣呼殺賊陳元康
羶下用筆俄頃成文民賴以安功斯爲大故卽長君遠
宦弓衣繡采於三吳愛子過征琴御觀濤於兩浙而凡
防守之要務吏治之先幾實一秉封公之訓也今年春
府城被圍宵小竊發又以事謀於豫豐不得乘然以屢
經壁畫之勞遂入膏肓之豎譬之武侯抱疾不廢出師
伏波據鞍尙無老態雖鄉關之偃息猶王事之賢勞
卒以劬勤致乖頤養鵲鷓夜語鸞鶴宵升至於七月遂
卒春秋六十有九嗚呼哀哉德星夜墮椿枝失長蔭之

恩秋風乍悲桐葉觸傷心之緒在遠近賴典型之式方
期恒庇慈雲而達人作汗漫之遊竟至離占仄日身受
者固皆曲踴耳聞者亦復霑襟葆光等或依賢宰爲子
民長君國藩宰奉賢有政聲或忝通家於寅誼次君國詔與葆光同需次之江驛程
千里難駕素車白馬而來魚信一函驚聞上漢騰天之
耗輕裘緩帶涉想猶存冷翼厭旌音塵已杳謹以生芻
之獻用伸采藻之情普淖勿孤丹誠可鑒所冀魂招天
壤疑通胥蠶之神明風捲靈旂如見鬚眉之健在

祭馬右農廉訪文

嗚呼天生偉才必竟其用宜其壽考爲世所重奈何奄

蘇盦駢文錄卷五

三

忽浮生若夢繁我識公實以海運公宣勞勩滬潞是奮
條條秩秩永垂令問惟昔端愍於公爲兄督我兩江士
民頌聲中道傷殞公宜繼興公以積功乍得太守階至
三品年力正富未展其志乃促其壽公之於我盃酒未
接猥以虛聲不忘齒頰爭於上官欲屬賤牒雖未獲請
實聞其辭感動旁人真氣淋漓嗚呼公逝而孰我知今
之士夫兒順言甘知恥自立世謂未諳質直見賞公眞
海涵公往通州我送河曲把手殷勤帆檣極目孰謂告
疾此會不續端愍死位公死積勞謂宜上

聞以慰焄蒿簡書多滯日月滔滔何以慰公幸公有後

揚於

王廷世澤悠久揭公素行同爲不朽

蘇龔駢文錄卷五

三

蘇龔駢文錄卷五終

